



神へ 16
2752
11



門 八 16
2752
卷 11

神州山人四部稿卷之三十七

吳郡王世貞元美著

詩部

七言律九十首

春日同尤子求張幼于史叔載王復元舍弟敬

美過菴淳父分韻得花字

塵尾玄言日未斜
隱囊匡坐自煎茶
尊前白雪中郎

調屋裏青山處
士家千里驥心降
付酒十年蓬鬢怯

看花浮生幸有江湖在
莫遣風塵負歲華

又代子求賦得春字

昭和十六年
十一月十九日
購求

柳色吳閶處處春
徵君門館獨松筠
別來綵筆堪誰健
書就玄經且未貧
蒼若江風迴石鼎
掃藤花雨映綸巾
綠醺最是能娛客
可厭朝來問字頻

寄李于鱗

卜築新開濟水潯
當門草色著書深
歌成明月難酬壁
買罷青山有賜金
海內交游虛屈指
天涯書素好論心
豐城縱許干將在
斗氣蒼茫不可尋

送楊都督之定海

開府兵符出帝州
即看魚麗擁春流
越裳使者初重譯
定遠軍中欲拜侯
畫海鯨波迴漢節
垂天虹色

吐吳鉤麒麟倘有丹青事
莫放書生在上頭

寄張幼于廬居

吳閶春望欲何如
張仲蓬蒿故有餘
青史未荒游俠傳
幼于父任俠
余嘗傳之白雲長卧孝廉廬
隔林幽鳥工催淚
擁榻寒山好著書
解道王筠能辨霓
可無雙鯉示郊居

華存叔暨猶子幼園
數有慰和之詠
聊此志答華髮蕭蕭卧澗阿
洛陽芳草自銅駝
窮來白壁甘萋非病起
青燈廢蓼莪
秋色儘饒歸計早
陽春翻覺和人多
濬冲豪興真岳盡
奈汝風流二阮何

身州山人稿卷之三十一 世經堂刻
辱存叔幼園和過黃淳父詩再疊奉答

論文握手夕陽斜
罷酒還呼顧渚茶
久自中原無後進
漸來江表見名家
荆山月上人人玉
大庾春生樹樹花
莫以機雲誇伯仲
至今千載恨才華

吳江別子與先歸遲仲蔚未至辱見貽有答

長橋握手惜分離
興盡東風獨解維
落日汝耽元禮棹
碧雲吾擬惠休詩
江天柳暝行人小
澤國波寬度鳥遲
可向吳閭訪踪跡
旗亭酩酊已多時

史叔載有見懷之什及貽所著二詠編有答

對酒春風芳草違
懷人東海碧雲飛
吳門市舊多僂

隱高士星今擬少微書為窮愁翻早就身因戰勝轉
堪肥野夫事事俱成懶
解把新編卧釣磯

周公瑕出示小像見者無不絕倒命余題焉因步往韻

隱囊紗帽褐寬袍
丘壑依稀亦我曹
名似盧郎堪比玉
類如裴令欲添毛
朱顏雅負陽春在
綵筆能令氣象高
不獨陶然君自好
見來爭若醉醇醪

過葉子寅作

此日因君駐筍輿
即看騷雅未全踈
劒題吳里魚腸字
帖辨征西蠹尾書
闢名濤叢生几席
移林山色在

庭除幽蘭薜荔真成隱尚有長楊問子虛

寄嘉定楊司訓

楊嘗為吏部
又署州篆

談詩匡鼎舊名家且為諸生擁絳紗吏部名仍懸日
月廣文官欲帶烟霞春風暫假專城綬秋水猶疑上
漢槎為問高齋今夜色可無清夢到京華

寄吳明卿仰武

襜被當年出漢庭中原秋色共飄零吳天劔奪真人
紫閩海符分使者青別後登龍愁自掩道傍歌鳳好
誰聽因君更熟楊雄賦憔悴風塵懶獨醒

楊子用舍第韻見貽且及助甫舊游之感遂酬

一律

共傳經術授諸生賦就還聞動兩京偶為吳閭新柳
色却憐張緒舊游名江天暮靄空雲樹漢苑秋風自
露莖池草總題那敢寄五言君已號長城

得子與書有賣田之耗用舊寄田字韻為贈

西望菰城秋可憐故人秋興許誰傳微名歲月依稀
盡佳句江湖次第偏潦落生涯文是苑拍浮身世酒
為舩休將罷罷論歸橐已賣南山種豆田

同子與諸君游大司寇顧公箬溪書院分韻時
公不出且折簡見召

壺觴選勝一從容，負郭堂開面面峰。
地擁菰城橫翡翠，天迴箬水浸芙蓉。
敢從門外題凡鳥，曾向雲間議卧龍。
抱日蒼虬雄對舞，主人親植兩株松。
得松字

其二

石峭亭虛瞰碧空，振衣長嘯許誰同。
千林瀑過初疑雨，萬葉秋歸自起風。
洛下名流唯白傅，襄陽耆舊有龐公。
仍聞東閣高開宴，不為登臨興易窮。
得窮字

訪子與長興道中

客路逢秋倍可憐，布帆如練掛蒼烟。
綠醪若下堪滿盞，紫蠟湖頭不論錢。
千里敢言中散駕，百年差勝子猷船。
懷賢徒倚孤吟發，句就人間懶向傳。

秋日再過伯寅作

清渠曲曲護蒼苔，剝琢衡門手自開。
主在未湏題鳳去，客頻寧為好龍來。
窓前竹色分茶盃，徑裏橙香入酒杯。
聞道西山月更好，可能乘興一登臺。

解齋後過晤美弟山池一首

杜門旬日偶初出，物色風光相映鮮。
為問攢眉蓮社後，能無把臂竹林前。
青山大可供詞客，新月殊堪費酒錢。
報汝過從應更數，莫教童稚厭周旋。

次仲蔚韻題扇贈沈生

...

石頭城下草迷離，夢裏分明玉樹姿。
紈扇已題桃葉句，白門空唱柳枝詞。
裁將尺鯉羞人問，鎖就雙蛾祗自知。
腰帶休文渾欲減，可無卑舫慰相思。

○答于鱗

歲晏天高首重迴，中原萬里一書來。
崢嶸未病驚人筆，黯澹長浮避客杯。
鴈後江湖開氣象，燈前風雨失時才。
自憐身隱文焉用，縱有微吟懶向裁。

于鱗有重寄余兄弟作再答

客有將歸金錯刀，暮雲寒色動江皋。
故人知未馴龍性，小弟憑誰與鳳毛。
名盡酒狂羞自若，病來詩態任

兒曹相聞不淺，塤箎思莫放陽春調轉高。

寄題于鱗白雪樓

平楚蒼然萬木齊，
峩飛閣岱雲低。
峰頭玉蕊春長在，
檻外金莖夜不迷。
賦就梁園無左席，
書來郢曲有新題。
何人強責元龍禮，
不遣清樽我輩携。

其二

伏枕清秋海岱邊，
高樓中擘俯蒼烟。
同雲不盡千家曉，
寒月長開萬古妍。
天上幾看新玉樹，
山中端合老朱絃。
誇他信美仍吾土，
句就還應兩地傳。

至日即事示舍弟

至後郊居殊可憐劇昏霾色隱寒烟戰餘天地心難
識剝盡陰陽氣尚偏海內厭長多事日山中僅有得
歸年開尊棣萼能明眼差勝悲吟劔嶺邊

魏濟南順甫寄過李于鱗之作

翩翩露冕擁朱軒十二諸侯濟上尊才大梗陽無訟
獄政餘元禮有登門齊風共許中原色楚些能忘大
澤魂楓葉寒雲空自晚欲將憔悴傍誰論

甲子元日試筆

今年雲日媚元正村徑衡門也自晴天地容吾新甲
子風塵少爾一書生樽前栢葉將遲得檻外梅花更

劇明但醉婆娑仍起舞不煩兒女歲時情

答吳邵武明卿

江城臘盡雨蕭蕭忽有鴻書破寂寥海內風塵仍岳
牧故人蹤跡滿漁樵休論往事才空老不為微名賤
轉驕東望浮雲真咫尺武夷寒色鎖岩峩

張善甫罷歸為酒要之

早時海國看除目晏歲雲霄已罷官宦後急流誰退
勇曲中行路古來難春盤入菜貧堪供社酒含椒醉
不寒今日可能相共否野夫園竹甚平安

寄以司馬丁公

十年曾見補天才誰遣留侯倦漢迴聽履星辰仍五
嶽拂衣湖海更三台惚前瀑布秋聲發鏡裏香爐紫
氣來莫以齊門稱國士劔歌空上闔閭臺

仲春望後二日與彭孔嘉章道華劉子威魏季
朗張伯起張幼于舍弟敬美過袁魯望遇雪探
韻得先字

袁安館卧連三日雷雨初晴雪可憐欲出龍蛇驚暫
後未舒桃李眩爭先十年空擅游梁席此夕俱傳倡
郢篇極目西山吾並老擬將春事傍誰妍

春日同彭孔嘉黃淳父周公瑕章道華劉子威

袁魯望魏季朗舍弟過張伯起幼于園亭探韻
得梅字

吳門忻接二難才况復筵從七子開向裏池塘今夜
草笛中春雪故園梅輕陰作潤花偏發薄暝將寒酒
自催別逕難忘仍易識野人芒屨頗能來

春日為西山之游仲蔚病不克偕貽詩見問率
爾有答

亞字城西春色來春江日日酒船開杖頭排比花間
月屐齒分踈雨後苔濟昧可無玄度具倦游空自長
卿才新詩句好堪惆悵擁鼻篝燈被底裁

與周公瑕袁魯望張伯起舍弟訪要離墓分韻

得幽字

杖策攜樽選勝游古墩殘堞境仍幽
千年草傍梁鴻淚萬里潮分伍員本音運
愁病後風塵貪自保醉來然諾暫堪酬
延陵故有遺祠在暮色蒼茫未可求

橫塘春汎得餘字

杏臉猶含柳眼初春江為帶月為梳
青油蕩水綵難挽白芎和烟調未舒
妾住橫塘那用問君收隔垞欲何如
越來東去無多路飄瞥風波恨有餘

靈巖晚眺得思字

天敞峰迴入暝遲興來攜策未全疲
摩娑草暗琴臺色徙倚風傳芎婦詞
穿澗乍驚殘檝響落霞猶似罷粧時
還聞越館仍陳跡極目凭欄重所思

虎山橋同魯望公瑕子求道振子念舍弟作得

然字

橋坐天空自爽然青山面面吐青烟
千花映水霞爭發雙崦分流月對懸
踞石醉呼光福酒隔林歌起太湖船
不須指點論王氣麋鹿蘇臺更可憐
舊傳此地王氣沈氏居焉偽吳士諶鑿分為二崦而族沈氏

銅坑看梅花作得何字

垞宅加切在名

望來千玉綴烟蘿一水維梢香氣多峽坼峨眉全擁
雪風迴洛浦半凌波漁人只自能尋楚水部于今不
姓何惆悵角聲催暝色醉歸還和隴頭歌

月夜登虎丘作

得無字

松挾春濤萬鐸呼忽看飛鏡挂浮屠穿池倒映芙蓉
紫立石寒侵薜荔孤不盡澄光行處得欲觀空色坐
來無生公倘有門徒在醉後簾牀許借扶

與舍弟及殷無美飲沙頭大梅樹下作

銅坑萬樹看不足沙頭一株春可憐霓裳黯淡初月
上玉鱗歷亂東風顛驕同白雪論先輩耻向繁英媚
少年但使酒糺苛亦得不妨今夜藉花眠

懷徐荊州子言却訪之因先寄

野人歸卧滄江頭衡門翛然何所求一榻頗為徐孺
子雙眼願識韓荊州即餘丘壑傍誰賞欲往烟波牽
我愁此日扁舟定相遇可容人喚剡溪游

徐荊州枉駕為詩見貽再答一章

暫解專城入梓鄉還將五馬問高陽雲霄偶自聞中
失湖海真堪醉裏狂愁向羊腸論故舊懶從蝸角辨
行藏微名已盡何妨老句就青山意轉長

君詩有江
左詩名莫

浪傳語

送王使君明輔遷陝西行省君有惠政於吳好
談禪理雅與余合故示章寄意焉

帳飲軍容滿道傍朱顏玉節自生光攀轅淚合吳天
雨立馬春開太華霜烏徙大江無列栢雉馴分陝有
甘棠北胡南越歸三表年少何須怨洛陽

其二

鈴閣翛然靜掩門還容塵尾共玄言能令白社塵中
得肯許青雲事外論何地可迴嚴武駕故人甘卧浣
花村唯應破却無生後不向秋風賦別魂

殷無美和余與徐荊州還往之作聊爾奉酬并

申別臆

婁江西望碧如絲來往扁舟慰所思青山總愛南州
榻白雪長飛郢里詞王掾不癡難自解殷生無恙爾
何為倘問別來堪寄憶沂東楊柳月低時

龔生夙脩淨土近以施藥膺冠帶之錫索詩為
贈

衡門冠蓋一時新賜級爭誇及漢辰總道淨脩居士
業也應微現宰官身岐黃已自成餘事銅墨由來有
勝因我更新秋思漉酒從君乞取舊綸巾

殷無美應試留都賦此為贈

矯矯諸賢共論文，殷生開美向來聞。清詞祇和千秋雪，彩筆長干五色雲。已自江東稱獨步，還應冀北有空群。男兒出處俱常事，莫向青山問右軍。

訪飲張憲副誠之遇雨張有作聊此奉酌

蕭灑圖書四壁間，盤飧此日累君閑。別來鄉國論今雨，語罷江雲失舊山。擁砌踈花爭靄靄，隔林脩竹弄潺湲。自聽張協愁霖詠，不作王猷汎雪還。

贈華存叔授官鴻臚

華有文章喜論世事而口微吃故云

十年投壁感知難，今見雲霄掌上。看業就韓非初著說，賦成揚子一遷官。春風故鬱含香省，曉月長懸典

客冠綿蕞漢儀君，解未建章新闕在長安。

秋日同公瑕魯望及舍弟游支硎山得林字

秋色翛然祇樹林，人言避跡此山岑。中峰院廢空吳晉，石室泉流重古今。路盡丹楓時自引，壁危蒼蘚漸成侵。興來休問支公馬，萬壑寒雲一杖尋。

游天池山得遙字

蕭瑟泓渟勝轉饒，華池一鏡隱岩堯。青蓮色借青天近，玉乳寒分玉洞遙。樹底流雲停客棹，竹間涼思滿僧寮。但容陶令無妨酒，入社籃輿可待招。

天平山飲廢寺還謁范祠作得名字

千級穿蘿望漸平萬峰擁笏驟相迎秋空月並蟾蜍

吐有萬笏林夜壑風疑虎豹驚荒草不傳蘭若跡古

松猶識范祠名自憐長誦先憂語枉類看山盡此生

游木樨嶺得峰字

酒榼琴囊到處從風微桂嶺晝溶溶億身金粟光能

滿十里旃檀氣已濃靈隱不隨明月墮小山長愛

雲封狂來一鼓三秋曲亂插繁花過別峰

一雲山小飲徐氏園歸途山中作得身字

入眼山家事事新長松歷落踞蒼旻苔文剪綠移

逕竹色分青與近隣雙屐天容歸後態一尊秋屬

餘身莫愁斜照行相迫但宿那能問主人

雨中公瑕邀游石湖登治平寺作得來字

繫榜湖橋彳亍徑開偶逢精舍鎖崔嵬蓮花倒插空中

鏡蘿薜長懸定後臺夕雨漸從茶磨歛故人能載酒

船來無煩聽講三生法倚石看雲更幾迴

贈童道華憲副

相逢慷慨欲如何桐柱銘成鬢未皤病後風波無意

改歸來天地有松蘿名山禽向終應徧小徑羊求好

並過為問洛陽車馬客千秋業就許誰多

至日作

弇州山人稿 卷之三十七

至後陽回萬象蘇荒村形影獨愁吾踈鍾似傍寒光
早步屨仍催返照孤縱飲江湖忘令節得歸天地尚
窮途鷄豚自愛田家有肯向周京憶賜脯

虎丘寺同子與孔嘉淳父公瑕伯龍舍弟送別
袁魯望伯起會試北上得陽字

絕巘精藍半夕陽清尊別思倚蒼茫馮欄頓喜雲霄
近結駟母鷲道路長池擁雙龍元是劍天迴北斗盡
成章因窺鴈塔岩堯裏似有題名在上方

送袁魯望會試

把酒河梁白日垂霜風游子重淒其十年藝苑稱先
輩此日公車未後時冀北人來金作帖河東賦就色
為絲中朝豈少鷓行舊肯向青山問桂枝

送張伯起兄弟會試

結束翩翩指帝鄉共將新賦獻長楊握中聯璧終
收楚天上雙星舊姓張題塔更聞誇鴈序驅車今已
出羊腸唯應仲蔚蓬蒿語猶似連枝淚幾行

讀樞莞集答寄蔡侍郎子本

憶爾曾都將相權欲將名姓勒燕然俱聽越石清秋
嘯不廢東山零雨篇卿月暫違雙掌露使星翻傍五
湖烟亦知劉白多移請洛下新詩大好傳

蔡時由兵部留部

與徐汝南過許給事飲作許素精事餽是夕特
窮水陸暢飲至醉

今夕何夕興不孤錦堂燭煖紅珊瑚尊中若下誰可
擬眼底高陽何處無主人自為孺子榻下客叨入郇
公厨當門鳥語樹將白猶自狂吟傾玉壺

贈梁伯龍

伯龍善詞嘗游荊州為王門上客

漢關題罷鬢初華梁苑文成席更誇匣裏秋霜諸俠
少曲中春雪舊名家江陵客寫金樓子建業人歌玉
樹花誰道歸來仍壁立文君窈窕自煎茶

贈郭子

紫髯狐腋自翩翩萬里風烟指掌前策杖天窮章亥
步然藜夜校景純篇城佳白馬時能識地暖青牛可
再眠好杜懸河吾薄晚吳山何地不堪憐

吳門遇子與見訪分韻得今字

吳閭寒望鬱蕭森李郭僊舟重古今千里關河誰命
駕百年天地此披襟中霄劒動延津氣白雪絃開郢
國音總道客星堪物色春來蘿薜恐難尋

歲除日遇雪

歲晏袁安卧自驚起看飛雪大縱橫千林豔奪梅花

吐萬戶寒催栢葉傾
懶廢久忘環珮色
罷歸偏解薜蘿
羅轂但教隣叟能
焚尾不怕殘年到
幾更

乙丑元日試筆

四十彊年耻自論
已將蕭鬢傲王春
不爭兒輩屠蘇酒
長愛人間草莽身
病起青陽開浩蕩
歌回白雪鬪

嶙峋

是日大雪初霽

相知料理新正事
第一斜川把釣綸

汝南周令嘗師事
楊用脩太史而善
于鱗及明卿子與
輩千里貽書言志
聊用酬答

抱耒滄江萬態捐
忽逢僊令尺書傳
關門不閉吳天紫
弟子能師蜀國玄
琴裏高山流輩少
握中明月故人偏
還應彩筆相酬處
花發河陽第幾年

其二

屈指當年有壯游
中原星色散吳鉤
龍門客在參差老
鳧令書來次第收
聞道汝南多月旦
何人鄴下擅風流
莫言文苑男兒紫
寂寞江河萬古愁

題周令君太霞洞天

色界雲蒸薄帝關
赤城標起異人間
榮光倒射昆明水
積綺長飛玉案山
激灑乍疑天酒熟
飄飄如覩翠旂還
亦知勾漏非君意
為有丹砂好駐顏

贈陸生生嘗從軍得官而善按摩多戲術

翩翩來馬快見風青眼人間計未窮
草歲散金收劍客中年殮王禮壺公頽
從熊鳥方中駐樽向魚龍戲裏空
日月任他雙轉轂江湖隨意一飄蓬

包叅軍登岱還訪余海上將還四明
因贈二律包子東歸四五春杜門高
枕避風塵遙扶一杖窺星斗忽買扁
舟破隱淪海內青山唯此嶽天涯白
雪更何人還應落日登諸觀曾見吳
門匹練新

其二

客來身挾烟霞氣云宿天門最上頭
夜半忽懸滄海日封中倒瀉絳河流
行時向子無婚嫁歸後宗生好

卧游為有故人餘興在不隨風馭訪丹丘

元夕雨過楊開府作

今年元夕饒風雨即有清樽興未孤
不夜烟花長自合先春火樹忽全敷
中天月避銀燈吐高閣寒催玉漏徂
總為將軍愁醉尉野夫那怕李金吾

寒食即事作

今年寒食寒未花驟雨驕風使我嗟
東村柳條乍努眼西渚蘆筍僅抽芽
已聞回首失親故况乃轉盼摧繁華
伯輿為情終不淺時復扶攜過酒家

沙頭大梅花下醉仍賦近體一章

舞舞
舞舞才切倍規風

二月已破梅始開千枝萬枝白毡毳初疑雪壓羅浮
小忽憶寒從隴首來素腕不禁愁裏笛玉顏偏愛掌
中杯向來曾醉參橫夢惆悵誰當水部才

寄德甫

余郎閉戶草潛夫懶向羊腸說故途入獄豐城元有
劍罷侯新息本無珠中年事業俱三徑昭代文章自
五湖爲問吳張冠冕在可能搔首一吟無

過華師學士作

此日仍叨杖履從向來名姓憶登龍書成綵筆誇玄
草家近青山比素封海內聲名時睥睨故人文酒日

從容絕憐身似彭宣宣許醉華堂第幾重

李子任俠好施予有古朱家劇孟風而文采勝
之忽過余下榻留連竟日其空谷之慰可知也
因賦近體一章贈之

十年裘馬自從容肝膽中原惜未逢倦後蓬蒿尋仲
蔚見來湖海失元龍青山半入囊中草明月長寒匣
裏鋒震澤烟波三萬頃酒船詩卷莫辭從

贈邵都閩

天濶千帆霽色多一麾魚麗滿江沱輕裘似學羊開
府高柱仍聞馬伏波業盡黃金歸劍客功成青簡有

角州山人稿卷之三十
十一世經堂刻
饒歌草堂新傍花溪好倘許元戎小隊過

送殿無美聘郭將軍記室作

當時七子擅詞場書記翩翩爾最良聞道將軍移下
瀨可無飛檄掃扶桑酬來趙璧渾如月說罷吳鉤已
是霜總為幕中多貴客古今唯有郭汾陽

王叅政明輔為余刻姓名太華絕頂以墨刻見
示賦此為謝

嶽色寒帷面面新叨將姓字上嶙峋寒光忽映蓮花
掌清夢翻添玉女顰自是金天來使者空勞紫氣擬
真人坏居總抱袞闕恨婚嫁那能繫此身

助甫宦楚久不得書賦此為寄

高枕滄江歲屢移渚宮旌節未應遲虛勞白鴈三湘
轉依舊青山九處疑老去交游隨態失恠來辭賦畏
窮知吳門豈少耕耒侶為憶燕臺握手時

贈莫山人之建康謁蔡侍郎

十年如磬著書忙此日携書在建康蠟屐仍堪朱雀
雨褐衣偏傲白門霜窮時荃蕙須防化暗裏驪珠且
慎藏解道相逢誰倒屣只今猶有蔡中郎

病秋

年年頗詫逢秋健今日秋來興漸孤不獨窮愁畏搖

落即防衰骨費支吾驚心屢却青菱鏡避客兼嗔白
玉壺猶有苦吟成宿業此生那用借詩扶

八月十八日觀潮季生所潮不甚漲而飲甚滴

有作

雪山東控海門流望裏微茫迥更愁八月虛傳枚叔
賦千年欲散伍胥雙言千雲彩鷁帆徐展夾浦朱簾面
盡收唯有汪倫偏解我還將水調按歌頭

仲蔚過余將別而公瑕適至歡飲有作

秋月垂缺秋花開俞子欲別周子來此我平生最如
意故人相聚未論才江烟漠漠魚鰕市夜色沉沉鸚

鵝杯總道柴門甘寂寞客星今已傲三台

寄于鱗書不得報問之

病起商秋鬢色殘中原鴻鴈轉艱難豈應郵客皆殷
羨自覺朋車未呂安湖海窮途雙掩涕風塵高枕一
加餐莫言同是藤蘿侶不盡青天泰岱寒

子與得滄運有詩見示因答調之

幕中淪落不須歎曾向龔黃傳裏看乍失銀魚非換
酒久拋金馬勝無官青雲故傍時流近白雪偏從畏
路寒唯有壯心渾不解自言新論過桓寬

舟州山人四部稿卷之三十八

吳郡王世貞元美著

詩部

七言律九十二首

肖甫自江北移滇臬走使以詩見問賦此奉答
七子翩翩共鄴游座中君豈減應劉浮名顧影驕堪
失拙宦藏身老漸收望裏使星移益部書來春雪滿
揚州故人淪落無須念未死能寬薜荔愁

寄袁抑之鴻臚

汝向句傳領百僚予留滄海伴漁樵風霜共飽誰終

耐日月如私未敢驕地遠鱗鴻甘寂寞天空鵬鷃各
逍遙相逢莫責元龍禮豈有山人愛折腰

諸生錢叔實再乞詩贈寄王司徒

共道司農領罷來至今風彩映吳臺車門文舉無勞
刺館客長瑜未肯迴我自江湖容抱疾即從霄漢見
憐才諸生但許青萍在會有雄光傍上台

寄明卿

十月吳天未授綿秫田如薙計茫然已從鄰父求籬
菊復有江州佐酒錢醉裏舊時自語廢來狂疾不
須蠲中原兄弟如無恙大可漁磯穩書眠

懷王叅政明輔

公舊與僧
伴松見過

伊昔春星過草堂使君袍紫客袍方拈來是法誰真
解語到無言味轉長掌裏蓮花堪入藏眼中棠樹已
成行何時向子粗酬願一鉢相從太華傍

謝汪伯玉中丞惠衣

蓬門生事漸蕭騷望裏鷺鴻首重勞鄉地豈應無縞
帶故人殊自有綵袍青陽忽冒寒雲轉白雪遙令瘴
海高却笑古來中散癖可能容易絕山濤

謝伯玉中丞見遺經像

白馬招提紀漢年即看經像震方傳翻時貝葉雲俱

潤禮罷蓮花月並圓老去一龕居士業悟來雙夾宰
官緣靈山倘是相逢地莫忘金篦導我前

送陳子兼憲副起任滇南

十載悠然卧草廬忽從天上見徵書歸如圓月難終
晦出似浮雲偶自舒驄馬霜清炎海路碧雞星引使
臣車莫言回首長安遠聞道山公已奏除

袁黃州履善過訪

社酒寒燈黯自親十年天地各風塵羞將白雪供歸
計忍向青山問逐臣半刺不妨銜裏舊二毛俱訝夢
中新柴門爾曷堪驅使共吳為明時歎隱淪

贈寄王山人山人時參邵將軍軍事

丘壑居然自不群江東諸少總輸君詩中畫是寒山
色酒後文憐日暮雲聞道衛青容揖客可知王粲樂
從軍功成最好歌銳吹倘借梅花一寄聞

送周中丞允文遷撫江西二首

毋驚兩地德星頻漢主能褒社稷臣飛鳥遂為今賜
履攀轅應是舊埋輪公舊為貴溪令以侍御按三吳有功遂遷今官水從彭
蠡連吳潤山到匡廬帶楚新此去定過徐孺子草堂
虛左為何人

其二

聞公移鎮古洪州童稚驚呼父老留一疏吳天迴菜
色十年滄海捲鯨流江雲對擁中丞節山雨長飛帝
子樓共道衮衣多佇望不知何地更東周

元日試筆

朝來四十俄加一顛散歸人傍俗過地僻中原春雪
少時清吾黨歲星多年光似覺偏湖海物色那能到
薜蘿回首舊游饒感慨五侯驕馬自鳴珂

立春前一日雪

曉色千林起倦鴉
卧鷲飛雪點牕紗
今朝殘臘猶堪
瑞明日逢春
忍見花沾處
漸憐鴛鴦薄舞來
還傍翠

樓斜總饒郢客無新調未許東風媚謝家

贈殷邑博

以孝行起
貢授官

寧勞一第著賢轂三府曾看有特旌
經術肯為秦博士孝廉先冠楚
諸生青衿客誦居平節銀管人書異
日名最是宦餘堪
眺訪延陵祠畔暮雲橫

初春飲張氏伯仲園皇甫子循以疾不與
貽詩見豔未及造訪先此有答

三徑時容二仲游坐中江左半名流
還因善病遺玄晏敢為論交薄
太白明月珠寒何處得陽春
句好竟誰酬亦知違世非君意
無那輕陰攪獨愁

君時方
有外侮

久不得于鱗書書到得新詩數章喜而有作

莫恠君書不易成書成綵筆太縱橫僊桃要結三千
歲和壁須償十五城老去轉多飛動色病回猶識和
歌聲吳門白馬空如練草色中原未可行

送歸熙甫之長興令

淚盡陵陽璞始開一時聲價動燕臺何人不羨成風
手此日真看製錦才若下雲迎僊舄去雲中山擁訟
庭來莫言射策金門晚十載平津已上台

其二

墨綬專城可自舒應勝待詔在公車春山正好時推

案化日何妨且著書到縣齋宮留孺子詰朝車騎請
相如客星能動郎官宿白雪陽阿興有餘子與時在
邑與熙甫
善故云

海鹽鄭大司寇

十年封事爽鳩多總為憂時鬢早皤天地祇看容一
柱風霜不遣夢三禾懸車坐領青山色扣角間為白
石歌共道履聲明主識壘書何日下烟蘿

奉挽大司寇長興顧公一律

屈指流年釣渭餘累朝耆德竟誰如揮金疏傳寧因
酒辭印虞卿祇為書喬木尚存司寇里生芻欲挽府

公車莫將伯道論天道千古高名總未虛

承明伯文學存叔鴻臚見訪余兄弟不值有作
得歸三徑未全蕪偶乞扁舟問五湖客到可緣嵇喜
在主貧應避呂安無江頭東楚憐終鮮谷口遷鶯念
友于總為德星難便聚望來搔首重踟蹰

過華大作

高柳垂絲拂徑苔入門青眼便應開墨留張史雲烟
字茗出嵇生沆瀣杯不獨君齋千古色亦知吾黨異
時才臨岐最愛湖頭水為許浮家易往來

過華二作

君家醜色何所似為似君圃千琅玕和風細吹若下
皴白雲不散瀟湘寒即無嵇阮能自入倘許求羊時
與懽應道醉來容易去柳烟花月夢中殘

今年三月朔舍弟山池紅梅未謝玉蘭盛開乘
興有作

堂北玉蘭開太早堂西紅梅落故遲露盤乍映金狄
掌如意未擊珊瑚枝流霞迴雪態爭出月墮風清愁
白知為報江妃長倚醉阿環相見莫相疑

贈邵都閩遷惠潮叅將

長聞借箸叅戎幕始見移營出瘴沙鯨島夜嚴千舸

身州山人集卷之三十一
月羊城春散萬人家將軍別詔師橫海 天子新名
縣獲嘉莫惜斗來金印大功成看取鬢邊華

寄翁中丞

屈指當年意氣看惠文霜在尚堪彈時平越海龍能
卧政就吳山虎不冠幕府嚮開歌荆晚故人差健浣
花寒中原自憶商巖雨春色浮雲處處殘

王太史與余奕負余錦文箋余負一詩扇賦此

促之

學士長楊賦早傳偶來花下醉江烟亦知芸管春秋
癖應有苔文側理箋我自戡山慚逸少汝將淝水制

張玄莫言田父衰仍拙曾記宣城賭郡年

即事效長慶體

一春文事頗從容約畧鶯花不自儂酒戶消來甘下
則書家老去任偏鋒齋時自托閣黎鉢飯罷聞敲窸
堵鍾唯有山僧知此趣雨前茶綠解相供

答張二見父

病間初寒薜荔裳懶將交誼許君房清湘字到新魚
素令弟詩成舊鴈行老去五噫歸震澤春來九辨起
飛霜相看共有池塘思濁酒何年兩對牀

其二

王樹霜風竦漢京曾將水蘂擬難兄誰言國士無雙
外重見君家第五名見父棄其業業詩句好吹篴誇仲氏材

高結襪為王生他年倘過吳趨里薇蕨秋江傍汝烹

張幼于見示新集因寄集中有二君篇七子行

才子紛然滿後塵吳門帝價為誰新即看明月雙投

句也自陽春寡和人剖後荆山元有淚授時湘浦不

無神莫嫌雲樹滄江晚濁酒青燈好細論

贈周公瑕應尚書朱公聘脩河功志

東靄諸侯走傳車吳門春色動衡廬俱言水土司空

略第少河渠太史書錫後玄圭誰更許沈來白壁未

全虛征途好寄宣房頌知是文高覽勝餘

王百穀半偈齋

婚嫁由來不累人何勞捨宅學王珣經壇如意花能

雨梵夾香鑪葉自塵空後已無生滅法現來元是淨

名身從君且乞楊枝露夢裏金莖恐未真王嘗有浩然之直頗

以淪落為感

舅氏劉掾自剡歸於林廣文者未展高陽之歡

急難中忽承稚食得遂生還感激之極特索余

詩為報

自逢劉掾罷官年慷慨時時說汝賢入剡未營安道

宅歸吳翻割廣文糧憑陵俠骨千秋起遼落窮心徑
寸懸莫道相酬無玉紫郢人能重郢中篇

送王百穀奔衣相公喪

丞相輜旌返故鄉南州絮酒自殊方龍泉且掛魯彈
劍鷄舌還焚舊瓣香辭趙連城空自許到吳流水為
誰長他年更有羊曇慟玉樹誰家覓謝郎

袁無子故云

支硎訪陸叔平

握手無論相見遲江東耆俊總看誰君深綠綺絃中
語我愛藍田畫裏詩旋收礪溜供茶鼎更遣春山佐
酒卮臨別為言堪憶處嫩篁新月坐天池

王明輔寄示關中諸君集有答

寄來名筆總西京讀罷翻然俠思生紫閣雲疑偷華
色黃河水約帶秦聲未煩吾黨絃驚絕依舊人間在
愛鳴渭北洮東千萬里五言何地起長城

郡丞陳侯晦伯博雅於今無二與余傾蓋輒遂
綢洽茲以量移得南戶曹不勝離析之感情見

乎辭

文酒時時枉敝廬忽從天上見徵車青州我竟老從
事白下君今行秘書霜後折蘭交恨晚道傍騎竹意
難虛嚴公倘許仍分綬遮莫花溪自掃除

其二

柴門朝色動干旄念汝談天辯轉豪皇氣忽寒離後
劍月光應鑒夢中刀長干騎過停金縷采石舟迴映
錦袍共道古來人物志至今猶自屬倉曹

中庵上人結庵當虎丘之半賦此贈之

法護金田故不慳何須更買沃洲山精籃半割雲霞
表飛錫長留天地間花裏閉關中酒倦柳邊携榼施
茶還亦知身世元無染為擬醫王跡未閒

奉送泉州守周師改郡赴京

露冕閩江惜別遲尊罍已慰故園思曾沾父老攀轅

淚親領

君王保障辭病間可容長孺卧政成還與
細侯期它年夢裏三禾失總道功名治郡時

病後問子與

布帽春逢思轉孤祗饒身在各江湖歸時五馬今餘
幾病後雙魚肯念無留客可仍傾若下著書應不號
潛夫如論庾信窮愁骨總得秋風也未蘇

九日汎舟靈巖以病且雨不克登有作

伏枕移船秋色來秋山空抱碧崔嵬乾坤總負登高
意風雨難私濟勝才誰遣紫萸供獨咲祗應黃菊肯
人開欲知游賞俱陳跡吳越雙留萬古臺

答抑之鴻臚問疾

高枕青山蘿席寒舊游天上慰加餐身同狗馬元甘
病歌到龍蛇且自寬萬事窮途偏阮籍幾人公望似
袁安當年九畹曾分佩蕭颯商秋尚未殘

張公洞懷李于鱗

李生昔登西嶽峰泚筆題我金芙蓉豈謂姓名榮二
華祇憐風雨失雙龍燕中舊社人人筑吳下諸山處
處筇石髓總應今日有可堪中散不相從

游善權寺僧云距長興可兩舍因懷徐子與

共識菰城指掌間踟躕尊酒未堪攀絃中孤鶴冷然

去鏡裏浮雲亦自閒畫溪分一湖水兩邑各有畫溪通太湖

嘗茶人共兩興山相知莫咲王猷懶安道于今善閉

關

送太倉唐倅之桃源令 唐全州人

自識量移 帝寵新莫因才大歎沈淪家隣湘水元

通楚官是桃源不避秦花裏鳴絃千嶂色月明飛鳥

萬家春蘭臺倘語登高事唐勒應誇賦有神

閏十月朔病中作

伏枕人間萬事輕偶探殘曆喚愁生初疑玉殿仍頒
朔不謂玄冥再主盟病似黃楊多進退情如芳草易

枯榮誰憐止酒無多睡夜夜清霜閏五更

雲上人講經造塔見過索詩

吾師慧福悟來深卍字從胸衆所欽
趺坐俄成水月觀翻經忽動海潮音
塔因聽法名多寶田爲酬恩字
布金功德總高何所冀條然一鉢下叢林

周公瑕登太山自于鱗所歸歲暮訪病夫海上
有贈

歲晏寒扉傍日開江昏獨棹溯波來
還因東海雲霞至似挾中原岱色迴
萬事何人憐伏枕千秋無恙起
銜杯寧論我退若能進屈指重看御李才

酬張幼于對雪見懷之作

雪後柴門跡未新誰將尺素走陽春
應憐短棹山陰客共是朱絃調裏人
超暝樓臺同氣象濯風梅柳且
精神相知莫嘆多高枕懶病衰生不爲貧

王太史元馭奉使東歸移疾得請詩以問之

丹書玉節下青霄擁傳春風故里饒
不爲馬卿金掌露欲觀枚叔廣陵朝
荷衣半入天香煖藜杖初分社
火遙見說蓬壺元咫尺可將僊骨伴漁樵

重登金山作

春山春望鬱蔥紮矯首扶桑黛色開
滄海潮吞丹鷲

去大江天捲白龍來憑陵不盡千秋語潦落長悲六
代才為喜摩尼施珠在振衣還上妙高臺

其二

蒼藤絕巘鎖丹寮忽有鐘聲至次家萬堞對分天
塹色千檣爭上海門潮雲低雁鷺行時斷日落鼉鼉卧
轉驕屈指舊游君莫哂十年吾豈愧漁樵

山東道中懷于鱗却寄

強欲彈冠塵黯然懷人初就北征篇大王風自乾坤
滿高士星仍海岱偏九畹經時芳不負連城欲暮好
誰憐山樓念汝須相遲白雪春來恐廢絃

早行河間道中

夜闌鷄鳴不掩關清霜作絲塵作顏春星馬首時欲
墮桃花屋頭未暇攀居人自歌棗慕慕行子頗畏車
班班瀛州城北半陂水羨汝沙鷗相對閒

張山人會於子相芙蓉館十五年矣子相物故
且八年而予以伏闕會山人山人贈予以詩不
勝懷舊之感因賦此為贈

伊昔邗溝舊草堂芙蓉葉是美人觴十年長恨山陽
笛此日仍懸孺子牀我自覆盆希日月君能吹律轉
冰霜相逢莫作風塵語少室三花春正長

戴錦衣伯常過訪

衡門草色遠相尋，握手登堂意氣深。
天地爾曹仍緩帶，風塵吾黨合抽簪。
猶餘廣柳車中淚，誰問陵陽石裏心。
但使臭蘭長不負，莫從鴻鯉論浮沉。

戴先兩書不達

城南飲邵憲使道微用舍弟韻

抱病風塵敢自安，欲歸杯酒暫相寬。
誰憐尺五瞻天遠，且唱尋常行路難。
句裏芳蘭留作佩，江南新籜好為冠。
太階星斗時時合，綵筆于今未可干。

莫大夫子良起叅梁藩入賀 登極有贈

蚤辭簪紱偃林扉，總為蒼生願不違。一出雲山無豹

隱百年天地有龍飛，鷄聲帶月催長樂，鳥色占星倚少微。最是五湖饒釣叟，從君乞取舊荷衣。

答贈蘇鴻臚滿

病後時才屈指空，尊前青眼暫相同。
家聲自識中郎將，詞筆重歸小許公。
宦就承明新漢月，篇成東海舊齊風。
知君豈少河梁思，翹首南天有斷鴻。

寄耿中丞子承

黃龍東去海雲低，玄菟城頭烏夜啼。
帳下青羗新屬國，軍中白馬舊安西。
牙旗月擁諸陵出，甲帳天迴萬堞齊。
最是駝酥爭捧處，不妨飛捷醉中題。

遇邵憲使道徵作

使者春風白接離不教霜色染緇衣初疑少室花間
度忽憶梁園雪裏歸北極冠裳多氣色中原詞賦有
光輝夾池脩竹依然在回首風塵幾是非

邵莫二大夫朝天歌

喧喧符傳指天津共道衣冠禹會新過嶽嵩呼催玉
節入朝雲色擁金輪來時並訝占星瑞宴罷雙歌湛
露仁自是乾坤多涸轍不將餘澤潤波臣

春郊漫興

短裘仍為酒家留且傍春風緩獨愁南陌柳長誰贈

別東林花落始成游窮來畏客論時事醉裏逢人諱
故侯若道野夫歸後興白雲爭向五湖流

歸思

一疏高天聽肯卑春程日日改歸期躬如韋杜長且
曲跡似湘山盡可疑鷓鴣欲傳何地語辛夷偏發故
園枝朝來短髮猶堪把懶向青銅問幾絲

贈王子亮勳且招之

歷落風塵意氣孤即看人世滿窮途竄因久客輕彈
鋏縱得微官忍濫竽家遠并州成故國身閒魏闕有
江湖相逢未必衣冠態且向城南伴酒徒

題寺壁

脩然落日在庭梧病骨經年藥懶扶身退不妨成遠
忘路窮誰與贈文無逢將怖景真同鷓鴣參得禪心已
是狐總為人天多眷屬欲捐衰鬢事浮屠

仲子仁罷官後出訪善果寺有作

握手招提旅思停即看鴻色遠冥冥十年鬢向長楊
白一疏山從攜李青寶地重逢今作雨金門不遣歲
為星清尊莫恠頻傾倒我亦風塵未敢醒

寄許殿卿相國

幾醴君仍上客行和歌予但酒人傍中原劔色寒相
慕獨夜琴心惋自傷賦就三春梁苑雪書成五月蘭
門霜唯餘徑寸筰然在岐路人間未可量

戴伯常錦衣携酒蕭祠貽詩見贈未能報訪聊
抒此答

蕭祠叢栢迥成秋塵尾談天竟日留一代文章誰正
始百年樽俎見名流君停杜曲花間騎我學山陰雪
後舟不是子猷能盡興帝城風雨使人愁

答仲子見問

窳跡空齋廢蓼莪間行孤影傍湘羅官同蟻穴功名
淺身比鮫人涕淚多未死烟霞終自若不羈天地柰

子何十年厭聽君房語念爾今拋白玉珂

問仲子歸期

蕭然僕被出詞垣時復持螯佐酒罇為問淹留滄海
楫可能供奉茂陵園畏途冠蓋誰終老清世漁樵也
自尊何限吳山秋後色好憑雙屐過閭門

伏承御史院王大夫再捐肴醴之貺聊抒短句

情見乎辭

薊苑花飛奈客何荆緹無恙始成歌恩深越石知難
報餉愧山濤得已多鐘動不將僧飯乞樽開漸有酒
人過青雲豈少高陽侶回首那能問薜蘿

醉中贈山上人

已覓芘蕩為酒客還依蘭若築糟丘青山看罷無它
事黃卷拋來且自由六欲界中須讓醉四禪天上始
寬愁狂夫偶作狂顛語不道生公石點頭

午卧

亭午踈林黃鳥聲此身雖卧夢還驚才名未了浮生
事踪跡空關異代情天濶冥鴻雙倦色途窮老驥一
悲鳴艤符擬趁江梅水可待尊鱸喚步兵

陳司理公與余有國士之知一紀餘矣其猶子
太史君會於薊門始成此寄

曾沾拂拭與群髦回首垂髫已二毛斗色舊為雷煥
劍風塵今愧呂虔刀峰過衡嶽鴻偏晚水入湘江鯉
更勞不待薊門逢玉樹父知賢叔似山濤

其二

病懶青山意自如頗慚文似負吹噓無論孺子魯懸
榻猶憶中郎舊授書茂苑棠成初借蔭武陵花發不
通漁吳歌敢作陽春擬祇是酬恩一寸餘

贈臨淮李少侯

誰是平陽第一勲五陵裘馬盡輸君雕弧甲夜變秦
川彩筆商秋犯楚雲樂府爭傳都尉句孤兒別屬子
侯軍他年自掃燕然石不待班生為勒文君有楚集

題半華山房

端合圖君立壑間能從郭內買青山峰陰欲借蓮花
掌海色疑分玉女鬟倚檻浮雲生浩漭當階明月寫
潺湲相看但以求羊過不為藤蘿易掩關

倪舍人八十有三矣猶能跨馬見訪招提贈以
佳句第用賜環為慰差非鄙懷聊抒奉答

紫微舍人冰玉姿躍馬看山猶未衰生平頗詫和郢
句此日見為招湘辭世才沾沾足自喜余髮種種奚
能為明年物色五湖畔却挂羊裘君始知

贈封君雷翁

新壓烏紗鬢未皤不煩清醴自成醅匣中霜是豐城
舊劍一雲抽酉穴多草罷玄亭長自掩花時籃輦故
人過如聞 聖主臨雍日鳩杖來扶白玉珂
同舍弟敦美真上人游大佛寺遇雨作
飛鷲岩荒傍紫冥坐來煩暑入清冷千山忽掩風雲
碧雙眼偏留薜荔青簷鶴過雷時自墮鉢龍旋雨暗
聞腥深杯但至毋論數慧遠于今也不醒

貽王百穀

王郎風調好誰倫手裂軍繻再入秦雅有暮雲橫碣
石絕憐春色散平津絃中白雪寒相語鏡裏清霜晚
自新我欲東歸君且住豈無能誦子虛人

秋日王百穀康山人朱在明過庵居分韻得來
字

雙眼柴門偶自開鏗然履齒破蒼苔秋驅北極浮雲
盡客與西山爽氣來坐久雨花時點席歌清風葉暗
侵杯相看共是江南侶不為蓴鱸興已催

贈朱鴻臚在明

翩翩裘馬自轂華率爾高陽興未賒白苧裁教周小
史青萍脫贈魯朱家書成上苑容棲樹夢就中山欲

吐花莫以故人堪入洛只今秋思滿天涯

君贈詩以陸見擬

方德新侍御見訪分韻得蓬字

十載風塵意氣中劇知傾蓋解相同朝陽此際多鳴
鳳野父由來不避駘出匣星文欣自吐當樽風色為
誰雄君看萬里比隣在把袂毋勞歎轉蓬

尋當遠別故云

贈范禮部

材美東南信有餘士龍名下更無虛
蒞茅親定句陳禮袖草時存諫獵書異日三禾應自協于今八米許
誰如江湖豈必論同調未擬新詩一啟予

過德州不及訪于鱗有寄

渭河新水秋漫漫東望踟躕思萬端我自可無衰鳳
歎君今仍作卧龍看歸鴻落照鄉心劇立馬浮雲儘
色殘豈是剡溪偏興盡古來天上聚星難

其二

北風吹土染征裘岐路安期可自由
疋練轉深吳馬色千金不散鮑山愁
青萍合日方為劔白雪寒時獨倚樓
最好漸圓新夜月片帆無賴下揚州

暮發邵伯驛作

平楚黃勻綠尚饒漸來秋思未蕭條
烟低邵伯當年埭月出揚州第幾橋
桃葉渡時那用檝桂花叢處不

舟州山人稿卷之三十八
須招欲知無限窮途感才聽吳歌辛巳消

舟州山人四部稿卷之三十九

吳郡王世貞元美著

詩部

七言律九十一首

余與南海歐子相慕久矣北歸過維揚訪余舟
次喜不自勝投詩見贈且多勸駕之語惜無何
遂別情見乎辭

維揚楓葉逗行舟塵尾玄言欲少留任是觀濤無起
色還因招隱失窮愁中原劍在寒相問南海珠成暗
莫投豈為身慚羊叔子邀君不道過瓜洲

般無美下筭

一賦河東若有神，忽驚風雨失龍鱗。
暫收三寸囊中穎，仍作諸侯幕裏賓。
省庵鏡里霜俱是，恨拂絃流水為誰。
新長十夾道青樓眼，愁絕烟花夢後身。

題潘中丞留餘堂

中丞卜築雪川陰，蘿薜春深好易尋。
長將不盡還天地，別有無窮待古今。
門可容車寬自得，庭堪旋馬意何深。
江湖總是相忘處，知爾元無竭澤心。

于鱗赴浙臬邂逅吳門有贈凡四首

十年龍卧杳難尋，握手相看思不禁。
天上客星聊作色，深鵬鷗逍遙俱自得。
肯將踪跡論浮沉。

其二

樓船金鼓殷如雷，憲府春當海國開。
西嶺白雲推案出，中原紫氣渡江來。
翛然自喜千秋事，去矣誰當一代才。
今夜吳閭寒更好，最憐分手各登臺。

其三

知君偃蹇故金魚，除目何當問草廬。
不必齊謳稱獨行，于今越絕有新書。
離愁明月杯堪失，懶病青山枕自如。
醉後蕭條還四望，浮雲終古卷能舒。

其四

徵君姓字動青霄
綵筆寒迴氣象饒
出後東山仍遠志
見時滄海失陽喬
風塵偶貸嵇康懶
春雪還堪宋玉驕
寮佐祗今多後進
誰將傲吏憶先朝

贈郭開府帥南粵

虎符金印出長安
主聖連登上將壇
百粵旗開魚鳥色
三吳劍奪女牛寒
帆檣帶日雄爭舞
組練銜雲靜不譴
君去浣花花自發
誰堪小隊駐江干

送別吳樞季使君遷府倅一首

齊上風塵蓋始傾
即看雄劍氣崢嶸
異時陳紀猶難

弟今日吳均不愧名
政就棠陰移大府
才高壁月掩

連城干旄陋巷仍堪過
惆悵浮雲暮已橫
君舊首伯子峻伯齊

上寔定交焉

吳使君邀飲沙頭梅花下得楊字

使君露冕春行部
忽對梅花喜欲狂
積素乍為瑤島色
輕紅不散壽陽粧
停杯雪緩千林暝
拂袂風沾十里香
况是新篇饒藻逸
法曹那敢擅維揚

寄朱鴻臚在明

長安車馬逐芳菲
可向天涯歎滯違
名就不嫌方朔醉
官貧肯學曼容歸
青山是處江南色
白雪從他薊

北飛若問故人丘壑事于今戰後頗能肥

答寄王百穀

似因留滯愛蓬蒿書到蕭條感二毛田父只歌將進酒
主家誰問鬱輪袍齋中落日塵蒙偈澤畔浮雲句
反騷自是不才能世左敢容孤枕向人高

戚大將軍入帥禁旅枉駕草堂賦此贈別

初聞小隊駐吳江忽漫花溪隱畫艘細柳尚虛金鎖
甲前茅時緩碧油幢南中舊部思馳義塞上新城喜
受降倘駕雲臺須第一如論國士總無雙

史德充少府嘗從姜都督夏州尋官於閩從戚

大將軍破島寇夷有功當遷會失用事者指為

王官不赴放浪江湖間謁余海上漫成此詩為

贈

看君雙頰話時紅憔悴功名耻衆同曾逐虎頭歌出
塞卻依龍額試乘風朝端綠蓋論兵左索裏朱提借
士空總為王門裾懶曳季膺新號醉江東

答用晦王孫

朱邸春風玉軫閒能將流水落人間毋論帝子開高
閣別與書生賦小山南極丰寒雙劍在大江天濶片
鴻還亦知七略君家有夜色青藜不可攀

寄余德甫聞有盜

自爾中車返豫章蕭然五柳似柴桑江秋月隱芙蓉
佩山晚雲歸薜荔房身在青氈偷不惜酒酣黃犢坐
何妨飛揚總為千年事鄴下狂名已鴈行

送龍司理被徵

初聞循吏賜黃金旋見徵書入禁林別日秋霜飛
滿異時春雨訟庭深朝廷豈少批鱗事湖海能無
諫獵心此去君名高扣閣不妨予計老抽簪

寄濟寧朱公

十年蓬累卧江東兩見脩鱗濟上通天畔星為中執
法人間水屬大司空樓中書集沙河雨壁馬秋歌歌
子風轉餉自來勲第一璽書何日未央宮

春事

即論春事未闌殘病間尋壘好共寬東第花神時爛
熳西園竹使日平安浮雲不礙烏皮几細雨偏宜紫
鐘冠自爨祗綠孤癖在將無人擬素封看

對花憶舍弟

恒時泉石那孤賞此際園林懶獨誇有信轉憑鴻鴈
翼開樽愁對棣棠花清朝出處依心事垂老篇章惜
歲華上苑只今春草發可能無夢向天涯

上劉少司馬朝宗二首

即看恩許鑑湖濱猶憶先朝寵命頻
綠野舊爲開府地赤松今是避侯人
囊中大藥時時累篋裏陰符字字論
解道蓬蒿三徑合可容雲色礙蒲輪

其二

中丞鞭淨鬱藍迴將作雲連喘嶮開
三疏暫歸橫海節百年誰似補天才
僊芝玉木扶調鼎沆露漿霞引壽杯
賸有丹衷懸魏闕將因起色上吳臺

得大名報後上疏乞休

十年岳釣卷空綸

主聖能容草莽臣蕙帶不諳朱

系女衛門翻怯紫泥新傳來似是天雄節到了酬它
地肺身一掬松楸清淚滿可容揮灑向京塵

其二

病驚除日到滄洲懶愧浮名入帝州
一物轉勞天地德餘生不傍古今愁
徵車罷後殘黃犢退艦停時穩白鷗
但語世情吾任老即妨身計總何求

張仲立茂才過訪夜談甚洽晨出候之則衝雨
發舟矣貽詩見報率爾爲答

看君年似棄繻生琢得新詩字字清
遙夜星河迴促席詰朝風雨失連城
去來非是輕中散爾汝終應屬

正平但使案頭行卷在不煩携手見交情

送汪中丞伯玉游太湖以病不能偕

自是中丞愛拍浮得歸天許五湖游行空日月開雙
鏡欲雨乾坤共一坏此去鷗夷堪獨賞暫來羊仲不
相未知君盡識人間字龍室真文可借讐

送滇人周廣文校士關內

絳帳如雲海國開公車還復領群材秦庭忽動連城
色漢馬多從西極來題罷金天霞作掌飲殘清渭月
為杯羹囊定有懷滇句知向昆明沼上迴

于鱗子與以詩勸駕有答

倉皇家郵始辭官敢向東山擬謝安起色江湖才欲
盡壯懷天地事仍難中原縱自容方軌滄海何當足
釣竿神武至今冠尚在可煩霄漢故人彈

夏日歸庄居即事

抱病城居暑不辭暫歸風物總相宜家家餉耨盤游
飯處處行歌鼓拍詞水暖魚鰕俱氣色日長鷄犬亦
熙怡葛巾踈罷無勞果遠近垂楊護酒旗

其二

聊將物色供吾廬懶性何妨但索居遑夜蛙池饒鼓
吹乍晴蝸壁也詩書墻低過雨分猶筍市小腥風上

鱗魚若到長安逢穉穢為言山父定何如

贈梁將軍代郭都督

璽書清夜下明光 主聖鯨波已不揚
卻問中權諸部曲何如舊帥郭汾陽
旌旗掩三江日組練俄飛五月霜
捐客幕中何用借自揮長檄定扶桑

題梅石卷贈蘇生

君今幽興何所寄日坐磐石梅花傍
一峰兩峰洞庭古千樹萬樹羅浮香
平泉莊畔酒初醒却月觀頭人欲狂
何似儂家新塢就不須遙羨白雲鄉

題松雲卷贈王明府

君侯燕坐琴堂上琴底雲生萬壑松
松愛羊眠時借色雲憐菴靄不辭封
三江地僻催棲鳳二室天空起螭龍
服餌異時須待汝為霖今日莫從容

子與迫于鱗不及喜余後至有作遂成和章

與君誰共 帝城游中路搏風有去留
幸不與闌王子棹何須身在李膺舟
揮毫島嶼青從逼握麈星河絳欲流
解道延津容易合可知真宰為他愁

吳興俞生者雅士多長者游晚得疾甚困而貧
獨與其所幸美人居沈伯慶為圖之予詩紀焉

消渴文園竟若何雲川秋色卧游過
門前舊客隨金

舟州山人稿卷之二十一
世宗堂
畫鏡裏新愁上鬢多空觀不妨天女侍小詞猶要雪
兒歌君看阿堵神明在遮莫雄心未耗磨

病中于鱗過訪海上

高枕吳山氣忽青柳邊初繫越江舸因過海若無秋
水不謂風塵有歲星強起精神催挺動欲眠談理破
沈冥十年朋舊知多少論向人才指自停

常州道中逢王百穀

微名總愧尺書求况遇相如已倦游席帽初拋燕市
日隱囊徐坐晉陵秋人中變色偏談虎老去全身且
應牛縱得量移君不美好携雙藥待滄洲

秋日諸君餞焦山作二首

浮玉峰頭高振衣放歌天籟入虛微波迴片片青蓮
出日落山山彩鳳飛一往薜蘿人自古重來冠蓋事
還非闍黎莫恡談經席已向君王乞釣磯

其二

江頭是處青山好為念焦君破浪來一字光能爭日
月千秋氣與結樓臺潮聲吳楚中原盡海色東南太
古開歸棹去帆看莫指壯懷今夕付銜杯

過歐廣文首着齋與子與同賦

少年誰逐廣文游首着盤空且為留暫割羊羶遺子

敬還將一榻下南州
抱耒和璧知難夜
彈罷嵇琴別是秋
莫恠相逢誇鄴客
至今何處礙風流

即事戲呈子與

中朝露剌候轅門
何似清齋卧給園
海內詩名猶嶽立
淮南幕府若雲屯
折腰亦是書生事
垂手應為國士恩
白雪至今驕不得
青雲依舊傍他尊

過故胡都諫祁禮作

兩朝華省見風稜
萬死孤臣氣轉增
枕草半沾憂國淚
飯蔬分供坐禪僧
人才論後多中馬
佛意明時失小乘
不信宦情夷甫薄
期君寒色對篝燈

渡小淮口大風和子與

千里清淮匹練同
飛沙忽掩夕陽紅
雲君鼓吹冥濛外
河伯旌旗杳靄中
扶病自驚枚叔壯
放歌誰奪楚王雄
維梢坐對亘城酒
回首人間萬慮空

徐州別楊大應武試

楊都督子

戲馬臺前酒一卮
翩翩結束帝城宜
縱橫立取連城壁
蹀躞飛騫上將旗
三日定非吳下呂
九重偏識越公兒
他時過里銀黃並
莫忘推蓬夜雨時

于鱗返濟南追之不及作

看君匹練出吳閭
忽爾雙旌指濟陽
長河不散真人

紫落日時憐我馬黃欲取延津為海色還愁太岱壓
秋霜登龍迴坂皆吾事躑躅孤城淚萬行

觀瀾亭枯蓮

月冷亭蓮秋思深半池病碧半黃侵歌殘白苧香猶
在褪盡紅衣態不禁愧爾漸非初服地憐予同抱後
時心江南子夜偏饒景愁絕霜風何處尋

過新河呈大司空朱公

日出烟空匹練飛大荒中劃萬流依連山盡壓支祁
鎖逼漢疑穿織女機九道徵輸寬氣象六軍容物迥
光輝甘棠欲讓金隄柳曾護司空却蓋歸

其二

兩朝三錫壘書專自失流言格上天功似玄熊官百
揆渠名龍首 帝元年功成於隆慶元年飛艘雪擁吳都稻
繫竿波穿少府錢長孺于今稱社稷當時鉅野總茫
然

寄耿中丞子承

秋風胡騎飲灤河長狄霜椿魯將戈魏尚豈應飛捷
誤樂羊無奈謗書多匣中龍色思雷雨檻外鴻心問
尉羅駿骨祇今身便是不教伏櫪怨蹉跎

八月抵魏中恰計舊游之日滿一紀矣為之興

歎

八月丙辰吾使魏戊辰茲夕月仍看窮愁雪暗侵雙
鬢懶病天催寄一官屈指舊游人漸減拊心歸計路
仍難淇園脩竹刊垂盡礙向何方選釣竿

履大名任作

按章三輔獄能空始向東方引畫熊一疏去為吳市
卒十年還試右扶風沙頭竹馬拋窰在卸手風斤老
更工稍待縣官公事了步兵還礙醉江東

故少司馬楊師邀游城南別業四首

回首虞卿解印年自將耕鑿答堯天烏皮總是看山
几白水俱成負郭田別墅圍基同謝傅後堂呼酒勝
彭宣嚮來何限橫經侶寂寞誰當問守玄

其二

羊腸歷徧始回車燕尾環流定卜廬橫海尚傳楊僕
戰徒陶仍用計然書池荷拆露珠從落壠稻排雲錦
盡舒二頃林田應不少高陽門客肯留餘

其三

醉裏輕舠點暮雲悲歌伏櫂不堪聞青山暗授流言
指白日平將戰色分魚鳥看來曾是陣鸛鷺驚處莫
言軍江南匹練全堪展何必麒麟更寫勲

其四

高枕衡漳十四春尊前論舊各憐身
何當絳帳傳經客也是青門學圃人
一醉鄉心時自起五湖秋事未
全貧少微中夜應難辨來日風塵礙角巾

望五臺山初雪

夜盡千峰紫更玄雪山俄覺曙來先
青獅坐改文殊地玉竦橋橫大梵天
會見九邊消戰色已從三晉兆
豐年停鞭詫有陽春在無柰王猷興黯然

龍泉關

層巒不盡鎖氤氳劍氣時干北斗文
浩蕩天為三晉黨清涼水自五臺分
關如趙壁常完月嶺似并刀欲
剪雲總為山河能表裏薊門何限羽林軍

寄王明輔憲長

吳洲草色在離杯塵海俄將萬事摧
我出終為尋壑計君歸還是濟川才
談時鵬鷄輸莊叟歌罷龍蛇惜
介推倘道徵書不解下何因馬骨上金臺

謁北嶽廟

祠壇縹緲遏雲孤
眇矚饗英靈颯有無
象應星辰天北極
氣蟠龍虎帝神都
羞從禪代論金檢
喜向侯邦乞寶符
混闕將何酬
聖主祁連不遣祭
休屠

其二

鬱盤河朔古今雄，柴望千秋禮數崇。
黑展靈旗開水德，白飛穹石見神功。
尊同四嶽非真拜，秩比三台是

寓公嶽在渾源州聞道率然元爾陣，可無風雨淨胡

空

娘子關有泉穿大壑，下勢雄甚味冽而甘。
不冰居人賴之。

飛泉中馮九關，開朔氣偏催萬壑。
雷噴玉高從西極，下壁崕雄自巨靈來。
地輸神漢為湯沐，石拂鈞天奏帝臺。
若語會心翻自笑，羽書初過黑龍堆。

將入黃榆度水門峽最逶迤險絕處也

峯排瀑掛峽垂傾，日薄烟霏徑自生。
破險旌旗俄滅沒，出幽天地頓崢嶸。
源挑欲問秦人隱，細柳先屯漢將營。
慷慨不堪頻指點，帝京南去是長城。

榆嶺傍峭壁際天，中有懸泉如柱玉。
下漚巨澗飛泉圻，漢馮崔嵬倦馬驚。
逢首重回絕壁倒，看銀綆墜高空。
橫散玉繩來關竒，汗雪長凌夏峽急。
崩雲自起雷一酌，吾寧逃穎客即看汝。
豈住山才

登黃榆最高處

太行無際碧天愁，榆塞寒帷萬古收。
紫氣東盪滄海

出黃河西抱漢關流
素韃忽動雙鴻暝
刁斗頻敲萬馬秋
薄伐到今仍列戍
教人無賴說并州

其二

托御當年惜未同
叱車今日指秋空
千峰競吐差栽日
萬木長交慘淡風
滴博高疑唐舊戍
虎郊遠是晉新宮
亦知雷雨非全妬
不遣人間句並雄
十二年余使順德十

鱗約游此為大雨所阻
少司徒清豐呂公枉駕見訪即席有作

十年天地竟何如
回首滄桑感慨餘
之郡未懸徐穉榻
應門先報呂安車
休論白眼狂時事
且出青山著後書
郡酒便如漳水濁
可能相見不躊躇

贈少司徒清豐呂公

當年青瑣獨批鱗
主聖能寬萬死身
見歷風波岳百折
到來霄漢是孤臣
淇園午色攤書卷
漳水秋聲起釣綸
自是非熊堪入夢
郡樓長貯屬車塵

初冬日於邯鄲叢臺餞朱太僕

天寒大陸吐叢臺
倚酒雄風亦快哉
紅日迥從漳水墮
白雲紛阻太行迴
空城竟暮無鳴瑟
俠客千秋付舉杯
此去君王須問駿
莫言曾見劇辛來

登馬嶺關口

迴岬宛轉異晴昏片白浮空列戍尊一線地排爲北
戎雙輪天捧作中原蘋端噫氣干岬折木杪蒸雲萬
古屯我欲著書從此逝毋煩令尹候關門

許殿卿左史有悼內之戚請告歸里賦此寄贈

休沐周原可憚勞悼亡潘鬢轉蕭騷烟霞不逐長裾
老霜月還依擁傳高暫去臨卽無卓女將歸梁苑有

枚臯乘小婦君看醴酒綠誰設莫向春風戀濁醪

履魏三日受笑易州行府承諸公爲會高臺有

作

秋聲忽傍羽書寒易水蕭條鴈影殘今日和戎無魏

絳當時結俠有燕丹府僚高宴從軍樂客子悲歌行
路難莫向舊臺稱買駿倦游無計可辭官

登黃寺堡太平樓作

秋風列戍滿邢州敢爲籌邊獨上樓千騎月迴清嘯
響一尊天豁大荒愁移屯漸老韓長孺作客誰憐馬
少游出處 聖朝應易得即論非土竟誰留

真定謁大士像十二年矣薄暮復過此留題

中天飛刹逼星辰曾覩蓮花法像真千劫不貪調御
位十年仍現宰官身恒河暝借金篦指大鹵雲爭寶
髻新彼岬祇應容爾度可能無意問津人

真定陳使君邀飲大悲閣

恒陽霜後洗差莪寶界橫開宰堵波萬里悲風吹大
陸千山落木下潯沱尊前暝色靈鷲破坐裏邊聲法
鴈過不是摩尼能夜炯自来和壁趙王多

寄謝茂秦

罷醴誰堪鄴下居世情秋共鬢毛踈家移潞子雲邊
國門少梁王雪後車歌罷此生唯短缺賦成何地不
長裾漳流轉自并門上可恠天南斷鯉魚

調方景武方長僅三尺而為威大將軍幕客

寬裾乍曳薊門塵曾覩新篇動七閩名似要離亦

小請同方朔莫言貧東門此去無長狄上帝由来有
弄臣見說府公難喜怒可將書記屬王珣

得謝茂秦寄新集時孔汝錫馮汝言二公為刊
定

十載蘭心托路岐凌雲綵筆健誰知還尋玄晏先生
序共表邯鄲幼婦辭不盡交游天並老重来作者世
應遲君看黨錮中興解可龍門御李時

長至夜起坐憶家

一枕鄉山路未真篝燈起坐獨傷神天心肯傍微陽
轉物色從爭朔氣新久客愛聽初減漏喚班羞作未

歸人江南兩地俱愁空

總向天涯話病身

時舍弟在金陵老母

山妻在案

東明送別部侍御子元

濁酒郵亭感慨頻知君此去有埋輪乾坤不盡開時
色霜雪長含至後春貝傳總能憂 聖主鄭公元自
愛良臣人間大有澄清地豈必滄波問逆鱗

雪後同楊少參張山人分韻

連城十二吐明光極目千村混渺茫微雨忽扶鳩鵲
出峭風徐起玉虬狂歌成郢曲人為宋賦就相如苑
是梁擬向瑤池看戴勝不教晴旭捧扶桑 右得光字

其二

飛甍雪霽擁岩峩睥睨光凝迥未消白鳳羽從全魏

落蒼蒼龍鬚著挂濁漳遙

萬里一白河添蒼然

塞帷秀色崢嶸至信

馬寒聲鑿落驕却憶西山多氣象千官拄笏紫宸朝

雪夜使院有感

雪色將風警獨愁不眠中夜攬貂裘層關七萃歌黃
竹故里文君咏白頭宦路艱如秦嶺騎客情輕似剡
溪舟漁燈社酒真堪托何必征途始倦游

雪後十日始大晴喜作

十日雪陰今日晴北牕旭紅吾眼明樹頭玉花故片

片簷底珠雨時聲聲
總愁千村露搖落
暫喜二候還
澄清放衙蠟屐何所念
石湖湖頭雙槳橫

寄鄭山人若庸

平臺賓從悵離群
歲晏鴻書喜乍聞
太守可題通德里
故人誰是信陵君
鄴中玄醴寒於水
稷下雄談逞似雲
俱道少年輸濟勝
青囊肘後若為分

寄吳明卿

十年調笑殿中郎
郡閣空傳下鳳皇
天到七閩猶未盡
人過五嶺向誰狂
青雲究至踈詞客
白雪于今滿瘴鄉
總為明時應少住
莫教寒色甚瀟湘

中山馮羅叅政國華自薊鎮被言調歸

屈指層關百戰餘
運籌開府幾人如
寧因大漢無長策
自是中山有謗書
千帳寒聲爭服匿
七陵佳氣擁儲胥
篝燈欲竟防邊事
怕遣霜毛一夜踈

謝中丞翁公孺參

憲府寒開濟上春
百城公吏望清塵
秦韃不動趨庭色
杯酒還叨入幕賓
末路雕虫驚眄睐
當年塞馬出酸辛
投君明月尋堪掩
何處能無按劍人

承于鱗為先公作傳將勒石墓道聊抒鄙感

攀栢千年黯自悲
九京心事向誰期
新題君子延陵

墓不數中郎許下碑震澤濤聲寒雪涕天山冢色卷
雲旂江南倘有日更與重批絕妙辭

寄懷岑紹

憶爾飛書請尚方一時風裁許誰當丹心畫捧丹山
日白簡春生白下霜總為馬遷竒禹穴不教長孺薄
淮陽蘭亭禊月仍堪賞倘有新編可寄將

途遇徐靈波遷廣臬率帥平寇有贈

即教甌越威南越故轉寧波號伏波五馬春將時雨
去千帆秋破瘴烟過折衝樽俎誰堪擬治郡功名業
已多此夜相逢便為別欲翻鏡吹入雜歌

寄楊伯章提學

曾向蘭臺挹御芬中原桃李又歸君房心好映三台
象河洛仍開萬古文經術相家韋氏擅秀才門客漢
庭聞應知大夏須梁棟二室長松有卧雲

舟州山人四部稿卷之四十

吳郡王世貞元美著

詩部

七言律八十八首

已巳大名元日試筆

馮扶 帝里未全遙物色王正喜更饒四海三新隆
 慶朔百年兩見 孝宗朝條風應候吹仍暖臘雪留
 祥炯不消一酌椒花還自慰頗聞遷地近漁樵
 于鱗自浙藩遷長汴泉時子寔為代有贈

十年清泌未蹉跎已見三臺歲裏過盛世詞壇牛耳

舟州山人四部稿卷之二十九

在中原宦跡鳳毛多梁園再起千秋雪汴水遙曾萬里波薇省至今江左地代興公意竟如何

正月十六日于鱗會于齊河挾一生為姑布術者

天涯得代非為遠元夕初過尚勒春小酌可成燒尾宴壯心俱付耗磨辰原無蔡澤輕肥想自喜桓倫歷落人不是誇君輕去就五湖生事未全貧

是日為耗磨日又上

過滁州贈太僕簿許元復

郵亭徒倚對斜暉宦興如君可不微小吏時時牽馬

過新書種種換鵝歸蒼山跡憶環滁古青史人堪擬峴非勝具自來饒許掾莫教春色負褰衣

渡江天界寺會舍弟作

北風歸騎卷黃埃柳色江春一棹開厭俗聊依天界住叅方端為世親來曇花暖借荆花發鴈塔高騫鴈序廻任使遠公饒酒戒可能相見廢銜杯

渡江承吳中丞惟修出訪有贈

二月江春霜色寒俄聞駘馬出臺端借來漢劔環同賜哭罷秦庭壁遂完一代風稜南史筆兩朝天意惠文冠孝陵只在鍾山裏紫氣千秋仗爾看

鶯脰湖洗天亭月夜與公瑕子念王復舍弟飲

別

湖光天色澹相和今夜離筵樂更多雲作翠屏裝寶鏡風爲金斗釧青羅尊前鸚鵡知衙在曲裏含桃柰鄭何一水峭帆歸便得不須低首怨驪歌

其二

爲爾狂歌思欲飛壺中天地到應稀玉山偏軟烏程酒銀露徐欺白苧衣月色總依雙旆在風流俱逐片帆歸西湖自好誰行樂始信浮榮有是非

錢塘遇江侍郎順之南歸有贈

江上逢君對莞然自矜揮手秣陵煙兩朝傾捧心長赤八座歸來鬢尚玄天意筆留常侍在 主恩車借大夫懸故人潦倒仍趨府愁記含香並署年

履省任後之吳興部戲作

縱然名姓墮塵寰身比闍黎可較閒錫杖乍飛天竺寺芒鞋還踏道場山三生公案聊須檢十部除書了不關細雨斜風應便住故鄉原在一帆間

自吳興寄于鱗大梁

憶醉齊南白玉壺浮雲天地爲踟躕高名自汝中諸嶽傲吏堪誰長五湖亭午夷門過結轡乍晴蒼上有

舟州山人續入卷之四十一
歸艫他時大陸儀鴻羽回首中興意未孤

由錢塘門度六橋堤

拂幘鶯啼出谷頻長堤天矯跨蒼旻六橋天濶爭虹
影五馬颺輕散麴塵碧水乍搖如轉盼青山初沐競
舒輦莫輕楊柳無情思誰是風流白舍人

夜登吳山訪紫陽庵即事

吳峰頂畔市烟霏裁脫紅塵便翠微城外春山城裏
色樹根流水樹頭飛逶迤踏月疑沾屨叫窸藏雲暗
濕衣解道丁家留鶴蛻至今華表未聞歸

同年馬通政吳太常顧沈二臬及凌守要予與

蔡憲使飲太虛樓

不須槎上訪蓬萊咫尺雲霄法象開挾日千峰凌睥
睨浮天萬頃沒樓臺西泠棹影煙從破下界鍾聲晚
自來十載故人塵外景醉翁寧爲酒徘徊

岳王墓

落日松杉黯自垂英風蕭颯動靈祠空傳赤帝中興
詔自折黃龍大將旗三殿有人朝北極六陵無樹對
南枝莫將鳥喙論勾踐鳥盡弓藏也不悲

飛來峰

濤聲不斷舞蒼虬忽爾噴岬萬玉抽劫盡脩羅移佛

土願深阿育湧南洲懸崖宛轉疑龍藏疊嶺騫騰盡
鷲頭自有真如飛不去幻軀天地任沈浮

王泉寺觀魚

寺古碑殘不記年清池媚景且留連金鱗慣愛初斜
日玉乳長涵太古天投餌聚時霞作片避人深處月
初弦還將吾樂同魚樂三復莊生濠上篇

北高峰望大江暮歸即事

捫蘿直上鷲峰頭縹緲平沙嵌碧流匹練中分吳越
地雙高對表帝王州憑虛霽景驕相襲入暝湖光炯
不收扶路嘯歌那覺晚麗誰清響滴銀虬

游南高峰

從游指點南高峰躡屩攀蘿興不賒畫裏餘杭人賣
酒可以望餘杭城中鏡中湖曲棹穿花千巖半出分秋雨一
徑微明逗晚霞最是夜歸幽絕處疎林燈火傍漁家
山行至虎跑泉庵次蘇長公石刻韻

百草沾風蠶月香雙鳩喚雨麥秋涼過橋已覺世情
少到寺始知僧日長拂蘚石留行脚偈掛瓢泉是洗
心方良公更有茶瓜在禪悅能容取次嘗

游淨慈寺

寺數燬數起有五百羅漢堂雙泉芙蓉洞

擁刹芙蓉翠欲翔拂雲雙練吐寒香十千乾闥婆天

樂五百阿羅漢道場未必應真超劫火還因勝地屬
空王南園實傍珍珠墅指點烟蹤並渺茫

與諸公携酒昭慶戒壇陳少叅從僧講律儀口

嘲

白蓮社前倒玉甌僧將戒律宰官聽三車菩薩何妨
聖五柳先生不愛醒家家湖水門前綠處處春山雨
後青識得此中無染意波旬能唱梵王經

送比部吳樞季之金陵時舍弟在儀部

東山六月下何遲此去風流建業知行李夜投朱雀
巷墨花秋染白雲司棠陰故郡迎舟出槐色清人抱

素移欲覓陽春春畧在儂家團扇是新詞

贈潘中丞時良嘗視北畿學按部南中

十年華省隔鳴珂驚見勳名霄漢多攬轡馬群空冀
北按章霜色掃祥河中丞餉道專持節天子宣房
寵賜歌何似君家潘博士蕭條拙宦二毛過

邀中丞潘時良大叅陸理之登峴山作

峴山雲鎖玉璘珣窪頂尊開興自新名勝東南元此
地文章潘陸更何人平湖漲起高青雀刺史吟成老
白蘋鰕菜吳興知不貴過從休惜郡厨貧

陸大叅別余與潘中丞登飛英塔

招提只在白雲封絕頂
名堯望莫從忽有丹梯通
前括還知玉井護芙蓉
塔中空如井有小白塔
菘城午色烟爭裊
茗水春流雨自重
可道諸天無別思
愁君明日度千峰

袁魯望考功奏最不上與舍弟留飲白下賦此促之

三月朝天理傳車
不將留滯惜居諸
清曹愛弟難為別
上考知君已自書
酒盡長干須策馬
花明幕府又牽裾
何如且作移舟去
鱸膾尊絲到有餘

黎惟敬內翰自南海訪余吳興登峴山分韻

為具青山莫厭貧
天涯驚見賞心人
還將溫室中郎樹
來咏吳興太守蘋
君嘗侍中
雲水遠拖雙帶玉
何峰斜抹一鈎銀
明朝塵世應誇取
未必蓬萊事事真
得蘋字

其二

峴山亦是關情地
屈指從君話舊長
此夕梅花辭大庾
十年秋鴈隔清湘
應徐筆底多陳跡
吳粵尊前暫一鄉
披薛為磨方石在
祇憑詩句敵襄陽
得湘字

贈別惟敬北上兼簡梁舍人

渺渺吳江西逝波
峭帆風緊柰君何
遇來龍劍無長合
裁就驪詞未忍歌
鷄舌可沾供奉賜
鳳毛誰較舍

人多中朝舊是詩
聯壁晚對雙星白玉珂

送長谷徐先生赴羅僊翁約煉藥玉陽山房

青鳥銜書向薜蘿
下元今日上升多
西行侍者還徐甲
無上僊人是
大羅王
柱故應句曲有瑤箱
只待阿環過三天
倘草諸公制
誰應宏詞第一科

其二

聞君擬煉大還丹
與唱僊家行路難
空裏雲車驕欲墮
風前石髓健堪餐
胡髯日射黃金鼎
蛟骨天遺白玉棺
何似羅羅藏宛若
年年春色醉長安

峴山贈故孫憲副

十年歸況五湖舟
蓬鬢儵然守一丘
家似桃源非避難
身如素楚更奚求
紫衫不解爲何物
青眼唯將向舊游
仔語吳興諸掌故
峴山今日重風流

常廷裸

帝念先朝折檻郎
徵書賀色動明光
還將白簡酬青瑣
不厭清齋守太常
天峻容臺多日月
夜嚴宣室傍星霜
未須論到波臣事
推案看山也自強

御史大夫南充王公俯爲先君子作傳悲感之極情見乎辭

中丞自握如椽筆
絕勝班生在石渠
片語褒能光日

月千秋事敢借吹噓從看京兆時頭草長護延陵墓
裏書縱有鮫人一掬淚不堪持報愧恩虛

寄贈楊錦衣今太宰公子時

上以秋日大閱楊當扈從

左縻明月繡螭弧右簾連星銀僕姑別賜戟門承相
里新從緹綺執金吾山西將帥古來有越公兒郎天
下無奪得頭標還草檄 君王此日要誇胡

同年彭子殷貽詩見寄君令新淦三月而調郎
白下一歲而免

屈指行藏轉自嗟讓君今日弄烟霞千秋建業歸時

草三月河陽夢裏花攬鏡清霜爭歲色題詩白雪失
天涯江州鹵簿由來簡倘許相携過酒家

柳洲亭即事作

紫微分館曲城阿碧甃朱欄柰勝何一一芙蓉爭插
漢雙雙舸戲回波烟將暝色歸蘿薜風引歌聲出
芰荷今日吳興使君道柳洲佳較白蘋多

送范狀元伯禎召入尚寶時君鄉大水予方有

疏請卹

先朝開殿策賢良第一鴈班侍玉皇僊籍謫來唯太
白歲星收去是東方西清共識含香吏中禁仍呼尚

壘郎最是天顏朝暮接可能垂省度文章

大宗伯董文用均初度

屈指先朝供奉班栢梁高倡更誰攀
密因八座方稱貴總為千秋暫許間
吏部文章天北斗吳興名勝地東山
當時乞取僊桃在煉得瑤池醉裏顏

宗伯董文用飲峴山泛碧浪湖時范太史伯禎
陳都諫體乾在坐太史將赴召北上宗伯遂成一章予嗣得其二一用公原韵一用近贈公韵

諸賢名價重南州峴首吳興亦勝游
痛飲爭呼明月至狂歌欲斷彩雲流
那知碧浪重湖夜別作金臺萬

里秋我是安期餒落穆過江今日始言愁

其二

承明促入舊僊班此日膺舟尚許攀
返照只看歸鳥樂臨風仍羨去鴻間
夕郎高議傳青瑣學士清盟向碧山
獨有周南留滯客願將秋水照顏顏

朱山人見過碧瀾亭飲却去賦此贈之

醉石先生不愛醒一瓢初過碧瀾亭
那無令尹占真氣忽漫吳興下酒星
鬚似蘋洲憐我白眼如茗水為君青
何當夜半揚舲去與報牀頭雙玉鉗

覽何使君振卿所編游名山記有寄

筆底青山杖底知書成不數子長奇雙峰太華真如
掌萬里岷峨半入眉婚嫁向平何日事卧游宗炳暮
年期玉京人烏須彌頂更有新編擬付誰

胡通叅汝臨枉駕雪中夜坐有感君在獄十年
而始出嘗同難者

握手青燈夜色孤欲談千緒見來無那將薄祿羞牛
後且爲餘生記虎鬚出獄劔文寒自好酬恩珠淚暮
垂枯人間似有風塵意究至鴟夷識五湖

候臺使自餘杭安溪登陸抵縣郭即事

先去逢迎損壯懷祇憑游目未全乖黃綿覆隴家家

樂碧玉圍城面面佳地僻官曹寬禮數溪清漁網闔
生涯方平自詫餘杭酒那有青帘插柳街

寄汪中丞伯玉時以錄閣功賜金幣特詔推用
一書天散五湖蹤回首黃山意萬重我出未應終誚
鳳君歸爭已識屠龍弓藏戰伐身猶在鼎立文章代
偶逢俱道雲中須魏尚馮郎占對帝從容

其二

至竟徵書及謝安風塵差不愧徵官千金爲駿聊先
骨六月搏鵬暫養翰聞道解衣明主在須留負琴
細君看烟嵐瘴海還生色銅柱當年墨未乾

送四明周廣文之秦諸紀善

冠蓋錢塘雅自雄，青衫憔悴出江東。
曾陪謝監觀滄海，更向襄王對大風。
薦草功名微祿外，曳裾心事倦游中。
恠來枚叔耽梁苑，應為人間眼未工。

九日省中諸公邀游兩高，遇雨不遂，小酌靈隱秋山，鏡吹擁登臺，龍藏含雲鬱未開，天際兩高風雨色，客中重九弟兄杯，茱萸揀罷偏成感，竹葉飛時不待催，昏黑工方那可到，諸君虛有大夫才。

同年吳太常馬通政顧憲副沈憲僉邀楊大叅共汎西湖分韻得遲字

輕筵單舫事相宜，促膝論心好自知。
湖水雅如交意淡，嶺雲徐共宦情遲。
尊中醴色呼顏轉，坐裏談鋒逼景移。
努力浮沉俱自愛，與君能復少年時。

題馬大夫九里松隱居

偃蓋垂髯一萬株，鬱蔥佳氣冠江湖。
長依漢地三天竺，蓋盡垂髯竺三天竺寺路也不數秦時五大夫。
永夜濤聲遙自合，高秋嶺色未全孤。
無勞白眼輕人世，雨後芝苓好更鋤。

其二

雲物蒼然瀚不開，中原真欲壓徂徠。
龍鱗日聳天朝幹，烏尾霜訛御史臺。
半嶺只聞鸞鳳嘯，百年誰辨棟

梁材饒他新息封侯好楊柳蕭條曲易哀

大司馬張公惟靜著皇明文苑成復為先公作

誄敬賦以謝

不煩分洛見經綸泉石清時業自新四海文章歸藻
鑑九朝人物借陶鈞歌中春雪元無敵字裏風霜若
有神痛殺宣城遺烈在中興一頌有名臣

大宗伯董丈用均用前押韻三章見貽惜別陳

懷徵之夢寐至云遙想六橋冠蓋集知無一日

酒杯間又云水國共憐門似水山神應望後登
山其托羨湖山寄好風雅真無匹矣復以三章

追輓先君子奏之松柏之間霜飈驟零真是腸

斷不揣輒復和謝依來數其亂篇專志哀感知

鑒泣烏之私不以續貂為誦也

先朝詞客勝揚班地近烟霞許暫攀高卧不招衰鳳
歎中興翻覩伏龍閒遙飛郢里歌中雪况踏茗溪兩
後山却恨南潯夜深路祇令如鏡映離顏

其二

薇省虛塵列戟班金莖露表迥難攀身從手板聊稱
賤意托爰書可廢閒不分歸人私日月唯堪到處有
湖山新詩看灑齊紈滿歌到涼飈一解顏

其二

詞客蘭臺舊姓班
夢成松柏慟堪攀
非熊自枉車中載
汗馬那容牖下閒
人向九京迴白日
天留三管施青山
痛來南北風塵思
不入麒麟將相顏

謝
西亭王孫許殿卿
左相遠寄牡丹芍藥賦此志

牙牌占彩貼紅紗
娟娟雙莖欲努芽
玉案遙將漆浦水
金盤絕勝魏姚家
分從漢掌俱沾露
種出梁園不讓霞
為報江南佳麗甚
王孫春色到天涯

題月溪卷贈時生

月色溪容雅更宜
石門蘿屋好棲遲
溪稱愚叟元非辱
月與幽人故有期
入暝銜流澄似練
當秋濯魄澹如珪
君知天地元無係
卷裏烟波手自隨

送董原漢之南光祿卿

璽書仍下泖湖潯
綠鬢卿曹豈滯淫
四海舊傳三傑疏
一官今見九朝心
冰霜省署真無改
雨露園陵意轉深
欲問長安望中色
鳳皇臺上有晴陰

遷晉集柳洲亭別省中諸老

五馬踟躕立翠微
與君何計不分違
江南佳麗如杭少
海內交游入晉稀
坐惜殘更仍進酒
歌當別調易

沾衣湖山處處留人色祇是浮雲出未歸

移晉臬將發寄別菑使君執甫及諸僚友

乍聞移晉事還直虛說旬宣長吏民抗疏未能寬白
屋除書終自忝朱輪腰間罄折官無改眼底流亡淚
轉新努力群賢須好在古來長孺是何人

用晦宗侯余德甫憲副寄詩貺問兼致先公輓

夢賦此奉酬

章江江北彩雲流總有連城客未酬五馬長拋持節
使雙貂不愛侍祠侯招魂有些還呼只敵手稱曹好
配劉絮酒莫鷺千里近由來故事在南州

其二

歲晏凄其意自憐懷人鴈素劇連翩名從鄴下風流
得法向梁園雪後傳斗夜忽飛雙劍至星江元待一
犀燃君看不朽千秋在莫問區區失馬年

湖上草堂為德甫賦

負郭堂成萬象開使君真有五湖才西山雨並踈簾
挂彭蠡烟從返棹來過客偶栽漁父對當歌不避海
鷗猜何年一繫青絲策與瀉流霞三百杯

灌息軒為用晦賦

西園公子安足奇漢陰丈人真我師忘機頓覺天地

濶息意不受風雲疑汲罷蛟龍歸曉壅灌餘鱗甲長
春畦朱門信是絃堪絕為爾仍翻流水辭

庚午元日試筆

今日江城景物饒珂聲亦似帝鄉驕尊前萼媚連
枝棣頌裏花傳故國椒五夜星辰迴紫極一官南北
係清朝祗憐霜色時留鬢見拂春風也未消

庚午元日日有食之

甲寅元日雨不食庚午正元食稍微稱賀先朝無
抗表省躬今聖有垂衣金輪萬象光旋復玉珮千
官護却歸拱極葵心應稍慰當尊栢酒莫教違

子與久宦楚中貽書見訊而余有晉臬之除賦
此奉答

東西歲晏走除書轉覺徐郎姓字疎薄劣偶先燕市
駿羈棲靈為武昌魚臺中白簡霜容老湖上青衫草
色如莫向并門頻問訊病夫無意太行車

奉題龍沙草堂

高帝歌風帳宴除至今龍護子侯居星空紫劔時雙
犯雨暮朱簾宛自舒地僻長沙旋舞袖國貧鴻寶出
藏書靈光莫問王文考八斗君才故有餘

張山人游吳留一月以詩畫為贄賦此贈之

南中平子雅三絕來向吳江歌四愁自謂暫因雙鳳
住不然歸作五羊游玉壺小醉閭門月銀管長驕藝
苑秋莫問區區借名姓此生端擬不鷲鷗

寫西湖碧浪諸詩付瞻美因題其後

吳興使君清且尊時復錢塘領畫幡月夜小維浮玉
島花朝已踏湧金門官移西北天雙戒家傍東南水
一村不論長卿游果倦可能無疏乞田園

春日感興

稱病江城絕可憐入春風雨妬朝天揮絃杳杳過黃
鵠步屨萋萋逢杜鵑萬卷世仍看長物一歸吾自制

癸卯年東鄰社甕芳醅滿且向花前索醉眠

故河間守史公顏其庵曰蠹祝京北為題卷文
待詔賦之會其卷失去而公之嗣鴻臚尊丈命
予追書以補予素拙於筆且吳下能為文祝家
書甚衆史丈必以見屬者豈謂不佞亦有杜征
南之癖耶故不辭而題於後

人間長物是雕蟲爾為三餘故不同蹤跡汗青科斗
後生涯垂白豕魚中綠牕明月應猶在芸簡芳烟舊
已空曾蝕神僊三遍字可隨蒼蝶寢春風

吳君家黃山中即其地別號鳳源於是尤子求

寫圖贈之而予系以詩

元號鳳丘
余鳳洲也

嵩山七十二峰色中有一峰成鳳皇晶晶飛泉出丹
穴雖離中石諸清商蒼梧翠竹結終好五彩九苞誰
為藏長離寫圖鵷雛詠好逐虞帝棲阿房

乞休杜門日侍老母湯藥朝來眉顰稍舒知有
牡丹已零落矣為之一慨

春風喚愁愁日親癡坐兀兀動經旬上書解綬不得
報引疾杜門何所陳舊愛酒杯時避手新知藥果實
繁身朝來問寢北堂美初見牡丹來媚人

其二

中庭殘花欲墮枝瞥見還疑初發時自開自落不成
態乍雨乍晴將憑誰辭病敢言書作癖問醫端誦藥
為師潘輿故里真無恙王馭天涯返恨遲

送百穀應試北上嘗入校秘書當得官不就時
予方上乞休疏

江東才俊數諸王念汝新文復擅場奪解欲傾京兆
尹鎖廳曾試校書郎飛來五色為鵷鶩賣得千金是
驕驕倘問右軍重誓墓為言踈懶合滄浪

王司成元馭轉北露章請告時予乞歸之疏已
上矣賦此奉問

角州山人續集卷之四
初聞抗表動螭頭 主聖能容臣節脩學士不隨丹
詔去 帝師元愛赤松游兩都新賦誰堪續六館諸
生自請留爭似使君公望淺皂幘容易出并州

壽戶侯蔣子宜時以才分闈

不為東陵戀故封 自將符綬授元龍 堂前鵲起初成
印席右鳩來欲上 筇舞對雪兒矜矍鑠 餌成雲母轉
從容清商一部依身老 好施吳山七十峯

題夏太常墨竹

先朝供奉去脩文 寫竹高名祇尚聞 筆筆枝頭鳥鸞
鳳家家障子鎖烟雲 乾坤只合留清氣 丘壑端應貌
此君解道夾池饒勝色 不知原自兔園分

焦山五鼓起候新月

焦山月出垂五更 呼樽起酌逸興生 一星兩星傲曙
色 千樹萬樹爭濤聲 偶從缺雲見鐵甕 幾欲騰空凌
玉京 人間好景不易再 况乃別思催縱橫

金山閣坐候京口酒至

閣坐脩然景色殊 滄波遠近穀文鋪 晴靄戲水綠於
染 健鶻粘天青欲無 極望千峰爭日出 中懸一柱摩
雲孤 倚闌興劇盼京口 忽有扁舟來百壺

觸暑渡淮寄舍弟

渡江已見鄉心發及渡淮河重惘然回首風雲恒自
變出門天地總堪憐疲駒顧影時時立畏日驕人故
故懸欲覓舊歡那可得北窗還許對牀眠

至歸德過故人李憲副子中小飲

握手踟躕坐未安旋看河斗畏將闌主人第進鷓鴣
杓稚子爭先首着盤天入中原真自好路逢知己不
辭難休追濟上衣裳會者舊干今半已殘

贈李憲副子中

見君容貌知君勝十二年來不識愁醉裏花奴嬌似
玉伏中蓮勺冷於秋五湖今日誰爭長千騎東方並

上頭最是經綸誤人事羊腸詰曲有雙輪

晨過歸德城西二十里溪蓮盛開喜而有賦

宋州西陂劇可憐陂中十萬粧相鮮紅袖欲翻爭自
媚素珠時迸不成圓微風墮月方沾恨初日含霞忽
倍妍却似長門零落後乍承湯沐扈甘泉

入太行遇風雨回望中原即景有述

百盤天益孟門雄趙魏山川指掌中一柱雨繚穿落
日千巘雲脚斷迴風黃龍倒挾河流上白馬俄驚練
影空自是壯游尊馭在不將愁向阮車窮

舟州山人四部稿卷之四十一

吳郡王世貞元美著

詩部

七言律九十二首

奉寄致政大宰楊公六首

三提鵠印掃胡塵再入鸛班領薦紳昭代風雲扶正
氣累朝生養出名臣焚魚暫托歸田賦躍馬猶強報
主身為問古來賢將相幾人端不愧麒麟

其二

十年天地破君憂一疏閑身許自由綠野再為丞相

宅赤松仍伴帝師游門前桃李陰初合庭際芝蘭競
競抽倘讀里人王績記與公移作醉鄉侯

其三

赤羽燕然未解圍統均時復借樞機方欣太白摧明
月忽覩中台改少微天意欲留殘虜在 主恩偏放
老臣歸那堪屈指彌留日槐棘森沈黃髮稀

其四

蒲東雄絕接雲霄人傑生申荷 帝招萬里濁河迴
砥柱千峰秀色擁中條眠龍欲穩雷時發隱豹求深
霧已消來日爾畫百三殿下可能高枕負 先朝

其五

八座青門悵別餘至今 朝論共吹噓西卷尚進平
章馬東郡先懸御史車那有清商一部樂祗餘黃石
數編書人間萬事無縈慮小為蒼生未破除

其六

鼎新初代辟書頻曾及句吳草莽臣故事山公能念
我掃門曹相斷無人懷中明月寒堪摘匣裏秋霜晚
更新總為感恩知已在不教容易脫沈淪

晉陽貢院試士作呈侍御饒公三首

萬古人文禹甸開千山梗祀建章材騰空雨挾龍門

上躡景風從馬邑來彩筆祇應推晉問黃金端不讓
燕臺共稱公子賢多客卓犖誰當五士才

其二

戟門秋敞集名流決策爭先第一籌地有飛黃空冀
北天將東壁應并州千門綺月機初就百篚凡霜繭
暗抽十五鄉書俱造士可無車馬錫諸侯

其三

棘堂清峻逼雲霞萬戶蜂歸靜不譁畫永角聲催具
草夜闌燈炮詫生花河東豈必無三鳳絲上窻容有
一蛇聞道楚賢今識王連城湏向國工誇

得李伯承尚書書却寄

讀罷鴻書重慨慷與君分手十年強空傳學士焚銀
句誰念先朝尚壘郎老去沾沾綠白雪窮來咄咄
幾秋霜莫言同調多時貴尚有鹽車困太行

偶成

燕京除目時時下那有單符入晉城白首祇應安薄
祿清朝真不採虛名人間欲去齊三士門下湏收
魯兩生借問吳閶詩酒席十年鷄口許誰爭

同諸君登南城樓

高城飛閣類孱顏陟絕丹梯手自攀四塞西開秦道

路百盤中吐晉河山雲邊兩觀扶鷗尾天末千峰出
鴈關能賦望鄉俱莫問清尊好趁羽書間

馬子進謝元重二廣文校山西士畢一歸廣平

一歸河南謁余詩贈

驂驪雙騎出汾陽桃李新陰夾道傍剖罷連城還入
趙收將照乘總歸梁綠苔句好推希逸絳帳名尊屬
季長所願王春禮成後諸生同日盡為郎

九日登鎮樓小宴

晉陽風色更重陽閣頰千巖萬木蒼白鴈不傳南國
信黃花偏作後時香衰顛倚帽難從落獨客傳莫轉

自傷莫使牛山咲人在一尊聊學少年狂

秋夕同羅大叅李憲副會王明輔方伯園亭

吳楚人也

紅亭綠砌吐清幽四壁圖書手自讎人向并汾誇地
主事從吳楚出風流芳尊不避飛霜色小語能寬入
暝愁除却太行排牖到豈知蓬跡在他州

其二

西北風塵眼暫空東南名勝跡還同杯行三雅知從
伯劔出雙龍久讓雄時余携吳劔明往事半殘紅燭
後寸心全向白頭中譙鐘又動難分手人世于今似

轉蓬

聞南中流言有感

入春憂病未堪除
彈指浮榮業已虛
時到覆蕉能得鹿
事違緣木可求魚
鮫珠掬就機頭淚
貝錦裁將篋裏書
總為世途成濕束
江湖天遠縱吾如

其二

自來窮達信乾坤
混沌今勞儵忽論
荷弱不堪持作柱
蘭芬那曉避當門
毋言白簡何人指
只是青山聖主恩
檢遍科條無死鼠
可煩詞客為招魂

其三

五湖耕釣足生涯
推轂翻令與覆車
角乞歸曾誓馬足
緣輕出不成蛇
三年祇是留皮骨
六尺從新費齒牙
任道吳興荆棘在
也應春雨萬人家

其四

馬首殘星涕淚懸
太行行盡見平阡
那知詰曲羊腸路
只在逶迤豹尾邊
水鏡幾曾當白日
冰壺元自寫青天
虛勞建業諸賢意
未少城南二頃田

寄應天華大教授

秣陵官况似君稀
行散時時信馬歸
門下書生新絳帳
江南甲第舊烏衣
三山秀色看應飽
六代浮榮勝

即肥渡莫吳都賦初就可憑雙鯉到漁磯

答劉子威僉憲

捨榆天漠並逍遙豈有狂夫愛折腰老去蛾眉虛見
妬病來鷄骨不辭銷孤松句忝劉禎贈小草慚從謝
傳招為報此生能自決時清處處好漁樵

其二

母言腐鼠嚇鶴雛老馬時時倦道途薄宦何曾甘
苴新詩真自得明珠一歸吾氣差猶王三折浮名舊
已無最羨冥鴻先矯翼與君輪日長江湖

謝晉王存問

憶初賜謁銅鞮宮玉壺長傾琥珀紅已誇相如賦梁
雪復遣季札論唐風寸丹永隔天漢外尺素忽飛江
海東總饒縞紵敢言贈欲報瓊瑤無與同

洪武中發三千僧戍邊尹山隆法師請焚身以
寬其罪仍留瓣香施法雨濟旱

人主嘉之為詩以紀其事且悉賜三千僧牒後
百八十年初地婆羅門王世貞得其遺像塔銘
讀之敬題於後

藥王深願且行因救得三千果位人精進肯圖超大
劫慈悲還擬化波旬烟霄不染清涼界火宅長拋夢

幻身欲識妙圓何處所中天萬古現金輪

答寄子與使君及于鱗事

長沙南去轉悠悠 帝念詞臣賦遠游青鳥書來天
盡處碧鷄人在漢梁州未期雷雨芙蓉合稍許雲霞
薜荔收祇是騎鯨今李白中原萬古失風流

吳興慎侍御子正見訪

鬚髯如戟氣如新不謂菰蘆有此人稷下書名齊慎
到郊居賦草示王筠蘭心不隔逢瑯樹棠色無多愧
白蘋莫以浮家易來徃掩關吾計欲終身

太僕顧丈伯剛乞歸用張召和給事韻索和

小因九折始回車勇退功名世不如官似騎曹看引
馬心同學士愛焚魚新篇漸出歸田賦舊草猶存諫
獵書何謂四愁張給事也從攜手贈瓊琚

子念事解後以酒慰勞得二章

與君相見暫開顏近事驚心夢不閒俗薄轉增貧
後數竒偏老是是非間蒼蠅到處難為壁黃雀飛時可
論環塵世偶然那足恠男兒脚底五名山

其二

猶自逢人氣未平看君白眼太憨生肝膽向來曾借
客文章况爾不藏名贖將越石能爭禮揖罷曹立便

有情莫以避讎移姓字燕中倒屣為誰迎

奉送凌汝成中丞撫鄖陽因柬汪中丞伯玉

才聞抗疏乞林立又見除書出
帝州北極烟雲時
自變東山花月未堪留地分秦楚連中夏城帶鄖襄
控上游羊杜只今高宴會千秋峴首失風流

梁廷尉彥國恤刑吳中

泣車恩自帝心裁祝網人誇
主聖開白日御樓
雙鳳詔青春使者五羊才三年旱色飛章轉六代風
流攬轡迴不為主生堪結襪異時丹筆在燕臺

答李大參師孟時分省吳興

新秋木葉報蓬廬幾見亨途問索居若下一條衣帶
水使君三日鯉魚書浮雲自失論文後落月長疑入
夢餘莫向舊游尋宦跡鬢毛今共白蘋疎

送常熟張令被徵

知爾鳴琴報政成琴川一帶盡春聲青門忽餞神明
宰紫禁聊為獻納行束髮已論當世事批鱗寧愛異
時名爭看百里郎官重天上張星轉不輕

即事寄戚將軍

歲庚在午旄頭滅太社縱金帝受俘珎重運籌三相
國坐談生致五單于分茅不殺諸侯禮互市全勝列

郡租北闕請纓神自王窮山衛虎識愁無

其二

聯翩宮錦蔽韋韜天馬峰馳貢不休導引頻勞典屬
國論封先數大長秋中朝斷絀王恆議黠虜能無結
替謀三輔漁陽知最切莫容烽火動神州

贈沈襄

屈指冰霜塞外年那能對爾不潜然披心血並高天
碧抉眼睛從白日懸求後即今推李燮報讎爭自識
公先斗間龍氣參差改無復飄淪古獄邊

秋熱

六月不熱八月熱白帝子為赤帝欺行天驕日自陽
燧曳地妖雲仍火旗蚊蠅向衰且一快鴻鴈欲賓中
更疑長安炙手者冠蓋野夫袒跣將何之

李駒以父集見授悲感有述

莽蒼中原氣不開蕭條海色隱蓬萊居然一雨將龍
化無數遺珠並月來地下脩文班管業君家接武佩
刀才江南總有陽春和白雪何人許更裁

余將梓于鱗集適殿卿左史貽書見慰因及此
君身後愴爾作答蕪呈殿相公

秋杪鴻書悲自論死生今日見情真君看落落游梁

者我識沾沾御李人稷下遺言寧友重濟南名士得
兒貧相看自有山公在莫遣劉標著論新

莫雲卿過我園亭值醉為虐醒而有贈

從他事事愛清真此日憑陵值醉身却道中郎無報
舞那能仲孺不侵人杯前白眼縱橫出坐裏青山磊
塊新翻憶少年多俠興吳鉤傲殺五陵塵

瞻美第移居是吾宗始構喬木森然賦此美之
環堵蕭然五畝宮王家玉樹徙從東門前舊榜仍通
德花底隣居是故豐所至子猷須種竹那能仲蔚不
誅蓬朝霞未取寒楓映自有雙珠紫氣中

崇明孫少府遷為王官兩臺力挽署篆飄然而
西和歸去來辭以見志書此賢之

大海東南保障哉替公何自托鄒枚王門未曳長裾
去父老初從卧轍迴喬木地寬輕祿食柴桑家近好
歸來饒它設醴仍虛左自有黃花佐酒杯

寄東明石拱辰給事

灌園身傍太河陰山色龍光自古今

地有龍光山

萬死獨

明臣節在一歸終藉主恩深屯雲不解蒼生望捧
日猶懸白簡心在昔同仇饒草莽即論時態有浮沈
答德甫用晦追和感事之作

一身蹭蹬避牆東回首交游感慨中
泣罷人龍才欲盡瘦來天馬步難工
械書忽動西江色隻字猶希大國風
但使斗間雙氣王不將雷雨辯雌雄

其二

縱令朝籍許從容只合青山學老農
帝謂橐中無意汝誰從匣裏識芙蓉
門人著辨稱非馬邑子矜名咲似龍
若論此生寧不幸與君旗鼓數相逢

送王司訓罷官歸天台

丹楓吹葉點離杯簫鼓千江夕照催
但惜廣文投杼去不知神武挂冠迴
門生籃輦遲能穩客舍青檀寒

自開若指夫君到時路赤城霞起接天台

題沈嘉則露臺

汝賦郊居悵莫從臺孤自聳白雲重
雄風起處秋偏色大海澄來夜不烽
鏡裏湖分雙日月尊前山削五芙蓉
遙知未淺蓬池興長嘯何如阮嗣宗

山五峯皆如芙蓉

為張四太學題畫寄少司成范公

故人自許同張范手寫新圖托贈君
蕙帳可仍天目色絳帷還似石頭雲
磯邊罷釣絲綸在掌上揮毫雨露分
倘問吳興王大令郡齋親識練為裙

舟州山人集卷之四
崑山王大尹汝平入拜客部員外郎

王故國戚

琴聲不斷宓生堂再見除書出未央
聖主久寬宗正法詞人多拜客曹郎
江波盡疊尊前淚山月將充
橐裏裝若語賜金增秩事中興循吏有輝光

送陳中丞以中被論回闕候勘

九郡提封盡晏如五雲長擁五熊車
濤聲晝偃鎖兵後霜色秋高攬轡初
海外正傳司馬喻篋中先報樂羊書
知公暫假天池息水擊搏扶自有餘

送艾教授遷王官歸楚艾嘗為邑令

量多何事轉堪憐懶向王門乞俸錢
僊令至今稱美

錦廣文元只抱寒醴別筵楓斷吳江色
歸客鴻開楚

岫煙若過長沙應大咲不將憔悴
青年

途遇治河潘中丞時良南歸有贈

兩持符節討河源三督軍需進國門
試聽于鬣翻是頃公長得歸銷骨轉成恩
賜環他日心猶在投壁千秋事可論
若問河渠書就未故人今有馬遷存

其二

聊從握手歎初衣自昔功成有是非
潘鬢總深憂後白商顏終覺勝時肥
春風急足開茶界秋水查頭擁釣磯
記得五湖爭長事與公相對欲忘機

送張將軍督餉北上

翩然威鳳五花文，縱逐鷄栖也不群。
飛餉再從蕭相國，雅歌重見祭將軍。
倉分楊子綱頭雪，帆壓秦淮渡口雲。
任是平陽七十戰，論功那便得如君。

李戶部潔夫移疾歸趙，貽詩問我林居和韻奉

答

旅退孤踪能念我，中興一疏獨看君。
大都名在猶堪累，至竟身輕自不群。
馬去叢臺花底月，帆收茂苑柳邊雲。
傳經但不輸中壘，誓墓何妨嗣右軍。

同章生輩游虞山桃源澗作

春燕渺渺徧平原，忽起蒼虬踞石門。
疊澗亂流金屑水，飛花不讓武陵源。
白雲孤自坡中出，黃鳥雙從樹杪翻。
濟勝况饒風景異，與君那可不呼尊。

秦方伯子成邀飲惠山園

日氣初高霧色降，青山幕歷映船牕。
故人且繫青絲笮，邀我同傾白玉缸。
分得甘泉名第二，教成新伎字無雙。
歸來鼓吹應須緩，莫使花間吠小尨。

喜肖甫中丞開府吳中

熙朝詞客見騫騰，晉國扶風爾代興。
一節盡監諸校尉，兩年超拜大中丞。
清霜吐豸來開府，紫氣成龍拱

孝陵見說平吳應入相只今雄劔已堪憑

其二

當時七子大名齊誰似金甌出 御題搖筆江南開
雨露揮鞭海外卷虹霓張公政就真堪樂蜀國孩調
自不凄倘許元戎過小隊新莊亦號浣花溪

送皇甫子循游黃山白嶽諸勝地得一律

白嶽黃山千萬峰峰峰雲氣欲如龍平將遠勢凌天
目雅有高名配岱宗風光舊屬囊中草歲月新收脚
底印應作青蓮李居士九華拈出九芙蓉

送袁魯望督學山東

十上公車鬢更玄銀章印吏忽驚懸繇米稷下田何
易多自江東馭臂傳岱頂扶桑先出日齊宮碣石有
談天朱幡絳帳爭前後好是人生得意年

送崇明張司訓遷瓊之樂會令

吳海官移嶺海頻普天何處不王春縱令飛鳥難為
路自是乘槎好問津製錦技堪誇島服還珠恩許到
鮫人它年倘布中和樂與寄諸生次第陳

贈故秦比部少說嘗為御史

兩都臺省並稱雄名姓 先朝抗疏中和壁蒼蠅元
不染鮑家駘馬漸難工浮雲自失三春色大澤長迴

九辨風若語尊鱸秋後味步兵元合醉江東

寄送吳高州明卿轉貴省學憲

今皇禹貢古山川似托圖經亥步傳露冕再窮諸粵
地談經仍向百蠻天無論張楚名空大即使居夷道
亦全寄語雍容臺省客幾人曾共伏蒲年

肖甫中丞許為小祗園之會後以江警暫停貽
詩再訂敬成一章促之

見說前茅向海濱真人紫氣已氤氳千崖欲鼓風雲
色百草希垂雨露文總為虞人難却負那能內史不
相聞竹林名士元成七莫遣延之咏五君

歐楨伯奔喪見訪有贈

荒廬寂寂掩松蘿客有衝炎布帽過渡莫羊城君到
後約量鮫渚淚誰多征途一溢憐餽粥受簡諸生避
蓼莪莫歎廣文官亦罷此星元自傍漁蓑

沈嘉則之楚不遂復有中原之游賦此壯之

春波忽捲楚江蓬乍復騎驢問岱嵩下里有誰堪和
雪中原何處不觀風奚囊二室花應滿齊缺三歌蒯
轉工自昔壯游公輩事華陽今帝有新宮

沈嘉則陶一竈自隨日用二斤炭可供數客至
晚不竭系以詩名之曰作竈而要余嗣響

那因增竈惱行窩杖底陽春信手過燕客始知燃桂
易牛山盜假負薪多非時解熟熊蹯火不斷能翻蟬
眼波為問群歌白石爛干湯爾意竟如何

吳城送梁彥國大理左遷歸嶺南

江楓乍點逐臣梳鷄骨逢君黯自銷三黜官從士師
後五噫人去伯通橋愁中棣萼芳難采夢裏梅花路
不遙莫向墓田輕有誓羅浮秋色轉應驕

彥國過小祇園有作奉和一首

祇園當暑度秋風一榻初憐駟馬同授簡汝真為上
客移山吾自愛愚公花間暝色論詩後松頂泉聲瀟

茗中與說世人應解妬老專丘壑大江東

袁丈繩之憲副父母八表

汝南月旦未全微家慶袁公自古稀鳳有一毛堪作
瑞鸞從比翼見于飛千年桃核將行酒五色神羊入
舞衣景是童顏雙映赤朝來 明主賜酺歸

輓王處士翹

春來杯酒共陶陶一病柴門短二毛俠白相成真自
薄楊朱瓜盡始辭勞屏間魚藻看猶濕戶外蛛絲網
更牢愁殺江東無處士少微今夜為誰高

答滁陽羅太僕

晉祠携手歲華過
夢裏春雲斷
薜蘿忽報江秋魚
素到似言山色馬
曹多題詩墨
破瑯琊石入釀
青分廢子波
騰道官中饒
樂事可能無
意向鳴珂

答和王君載感白髮作

柱頰聽歌白髮詞
久知無復少年時
君憐日日真難挽
我狎星星不解悲
青鏡總拚微業過
紅顏聊借濁醪遲
無論老子心猶熱
懶向禽釐歎染絲

肖甫中丞擬八月見過近九日始達吾州貽詩
有黃花孟嘉句聊此奉和

八月遙聞使者槎
過期霜色近寒花
白云鹵簿江州守
偏識柴桑處士家
舊事數從杯底得
壯心時傍句中加
君知布帽應難墮
莫以風流嗣孟嘉

梁思伯內翰過訪

蕪城分手歎離居
尺素論心歲不虛
君愛王維詩裏畫
我懸梁鵠帳中書
婁江栢葉將雲暖
庾嶺梅花帶月踈
此會何年更何地
可能杯酒不躊躇

思伯過小祇園分韻得飛字

洗竹穿蘿坐釣磯
杯行到手莫教揮
峰頭初月迎舡出
樹杪清霜應曲飛
花色可沾鷄舌施
鬢毛疑拂馬肝歸
君知奉使停青雀
差勝為郎在紫微

陸叔原楚生兄弟自江右歸攜德甫用晦書見
存且劇談二君相遇之厚賦此寄之

三十六鱗秋乍肥楓江回望思依依斗間人覓雙龍
去吳下書從二陸歸劍曲未終遷幸舍筑歌才和對
沾衣菰蘆何限東南美其若霜風識者稀

銷夏灣

灣在縹緲峯下
兩崦夾成小湖

挂帆秋色大空低縹緲峰迴上與齊別借五湖天一
曲中分雙崦地東西松杉翠合家堪隱橙橘黃繁路
不迷莫問吳王銷暑事采芳春徑草萋萋

登縹緲峰二首

不辭芒屨破蒙茸賈勇先登第一峯湖外山圍青玉
案波間島插紫芙蓉龍宮襲籟俄成吹鹿苑噓烟忽
自封指點空濛渾未定乍驚雲物盪吾胸

其二

風物清秋轉自住撫膺高眺渺無涯千家射日魚鱗
上百舸穿雲鴈字排天日障青遙入背角頭分翠近
當懷胥濤怒激非吾分羸汎逍遙興不平

資慶寺

徑轉峰迴寺宛然古橋深草鎖幾幾客將流水同無
住僧似長松不記年法食喜分龍女供禪房幽借鹿

覺眠行歌頗愛歸途好後齒斜陽乍一穿

贈洞庭九十三蔡翁

由來黃綺擅高風今代耆英又屬公家住兩山人世
外身安六帝太平中青藜暫借還能却白雪因多轉
更工自是耳根能入妙無煩社酒為治龍翁兩耳聾
矣而甚強

宿長圻寺贈僧解空

偶從湖汊繫歸舩曳杖尋鐘古刹懸幢石草侵天監
字講壇松漏莫釐烟僧云淨社難呼飲汝不長齋返
近禪臨別楊枝猶解贈宰官重到定何年

歸自東洞庭望莫釐峯

已憑藜杖恣攀緣興盡還勝六剡舩遠水蒸霞開色
界空林答響奏鈞天過一山焉呼之響
應若數部鼓吹蓮華倒挂雙
帆影橘柚寒收萬井烟最是莫釐堪騁望吳門匹練
為誰懸子與已至晉
門故速歸

陸叔平邀過山莊看菊

夫君種菊自年年買得支公勝地偏甘谷移來鳴玉
水給園分作布金田雅聞彭澤翻為具能使江州忘
遺錢今夜東籬月色好野夫從醉不迴舩

再游天池諸山

十年三踏天池路路轉峰迴勝自知樹老寒暄無異

色山深向背有餘姿寺當托鉢分齋候僧是聞鐘出
定時大好忘言領秋興筍輿松影夕陽移

張助甫至日見訪作

寒色柴門午未開誰嗁鄒律動葭灰天將化日為長
至人憶丁年訪舊來夜語蓮華驚促點晨傳竹葉喜
寬杯還應太史能書奏海上祥雲片片迴

助甫過小祇園分韻得雲字

王家賓從氣凌雲爭似風流張長君一片青冰看自
見千秋白雪倡堪聞空林嘯月傳鏡吹小艇迴波蕩
穀文今夜子猷齋畔竹祇應翻向夾池分

哭醉石山人朱察卿二首

歲逢單闕日逢斜玉折蘭摧重可嗟不獨文章無醉
士何人游俠是朱家孤兒痛檢囊中草舊客愁懸匣
裏花此後只應黃浦雪子猷高興向誰誇

其二

空聞雅度擬林宗未有微官及曼容忽墮大星名是
酒縱埋豐獄氣成龍人疑一醉還千日君自孤魂度
九峰滿目風流都欲盡莫將吾涕訝無從

新州山人雜記

卷之四十一

